

寧國縣志

李孝峰書





隋	陳	梁	寧國縣志	齊	宋	晉	三國
宣州 郡廢改州曰宣	北江州 永定三年北江 州治宣城郡大 建八年又置北 江州於南陵郡 杜氏通典梁置 南陵郡陳置北 江州	南豫州 承聖元年又於 郡置南豫州後 析置南陵郡	卷一 輿地志上	南豫州 永明二年仍屬 南豫州	南豫州 元嘉五年割屬 南豫州太始二 年還屬揚州四 年又僑置南豫 州五年罷	淮南郡 東晉成帝僑置 淮南郡	吳地
			沿革世表				
宣州 大業初改	宣城郡	宣城郡	二	宣城郡	宣城郡	宣城郡 移揚州刺史治 建業增置宣城 歷陽二郡	故鄣郡 初屬丹陽郡景 帝時改屬故鄣 郡
寧國縣 大業十四年復 置	寧國縣 懷安縣 天嘉五年廢懷 安寧國入宣城	寧國縣 懷安縣 承聖中改懷安 屬丹陽		寧國縣 懷安縣	寧國縣 懷安縣	寧國縣 懷安縣	寧國縣 景帝分宛陵置 懷安寧國二縣 今寧國縣治

	清	明	元	宋	五代	唐
<p>江南安徽省 康熙六年分</p>	<p>江南省 順治三年置</p>	<p>直隸南京</p>	<p>江浙行省</p>	<p>江南東路 元豐間分爲二十三路</p>	<p>寧國軍 吳置南唐因之</p>	<p>江南西道 昭宗大順元年 升寧國軍節度</p>
<p>康熙六年 復置二十一年 復裁雍正十</p>	<p>分巡徽寧池 太廣兵備道</p>	<p>江東建康道</p>				
	<p>寧國府</p>	<p>寧國府</p>	<p>寧國路</p>	<p>宣州宣城郡 寧國府 乾道二年升</p>	<p>宣州</p>	<p>宣州宣城郡 武德初仍曰宣 州天寶初改爲 宣城郡乾元元 宣復爲宣州屬 年復爲宣州屬 江南西道</p>
<p>寧國縣</p>	<p>寧國縣</p>	<p>寧國縣</p>	<p>寧國縣</p>	<p>寧國縣</p>	<p>寧國縣 故城在縣南十三里</p>	<p>寧國縣 唐書地理志武 德二年析宣城 復置懷安縣六 年廢天寶三載 析宣城當塗復 置寧國 按綱目唐肅宗 册回紇英武可 汗以寧國公本 歸之註寧國本 漢宛陵縣地晉 屬宣城郡隋省 入宣城縣唐初 復置寧國縣屬 宣州</p>
<p>寧國縣志 卷一 輿地志上 沿革世表 三</p>						

民國

安徽省

蕪湖道

元年府制廢

寧國縣

總督

順治四年設

巡撫

康熙元年始專設

布政使司

康熙六年定為

安徽布政使司

乾隆二十八年

由江寧移安慶

按察使司

康熙三年分設

北按察使司五

年改為安徽按察使司

一年改設兼管蕪湖關稅

境仍清制無江南二字

民國三年設道尹分轄二十三縣

縣直屬省

首席縣長

二十一年春設

以宣城為首席

縣長轄涇縣旌

德寧國績溪廣

德郎溪宣城等

第九區行政

督察專員

二十一年十一

月改設兼宣城

縣長轄宣城廣

德郎溪寧國涇

縣旌德等縣

輿地志 上

建置

寧國縣在禹貢揚州之域春秋時屬吳嗣屬越戰國屬越後屬楚逮併於秦為鄣郡地

尚書禹貢淮海惟揚州 清欽定書經傳說彙纂及地理今釋同  
江南通志始屬吳 春秋哀公二十二年冬越滅吳 史記越世家勾踐已平吳乃以兵北渡與齊晉諸侯會於徐州以淮上地與楚 又楚世家秦破楚滅楚名為楚郡孫檢謂滅去楚名以楚地為三郡 晉書地理志謂置鄣會稽九江三郡 又史記始皇本紀二十六年初併天下分天下為三十六郡郡置守尉監 通考古揚州秦置鄣郡 漢書地理志寧國故鄣郡地宋書州郡志寧國縣令吳立

漢元封二年改置丹陽郡宛陵縣東漢因之

寰宇記寧國縣漢末分宛陵南鄉置屬丹陽郡 漢書地理志故鄣郡屬江都武帝更名曰丹陽屬揚州縣十七

寧國縣志

卷一 輿地志上 建置

五

三國為吳地景帝時改屬故鄣郡寧國縣懷安縣

按寰宇記寧國縣初屬丹陽郡吳景帝時改屬故鄣郡據此則吳嘗立故鄣郡也 懷安故城在寧國縣東南（清一統志）

晉宣城郡寧國縣懷安縣

晉書地理志太康二年置宣城郡統縣十一宋齊因之宋書州郡志晉武帝太康元年分丹陽

梁丹陽郡寧國縣懷安縣

寰宇記懷安縣地理志云梁承聖中屬丹陽

陳宣城郡寧國縣懷安縣

寰宇記懷安縣地理志云陳天嘉五年廢入宣城縣今為寧國界偽劉聰封晉愍帝為懷安侯即此

隋宣城郡宣城縣

今縣治 寰宇記寧國縣隋初廢入宣城大業十四年復置

唐宣州宣州郡寧國縣

舊唐書地理志唐武德二年析宣城復置六年廢天寶三載析宣城當塗  
新唐書地理志誤云武德三年置六年廢天寶三載析宣城當塗  
復置方輿紀要昭宗大順初升宣州為寧國軍節度使蓋軍名與縣同  
楊行密傳帝以宣州號寧國軍授楊行密節度使蓋軍名與縣同  
也按五代自淮南留後楊行密取宣潤滁和等州  
建國為吳屬焉徐知誥滅吳稱帝都金陵號南唐

五代宣州寧國縣

十國地理表寧國舊縣  
故城在縣南十三里

宋宣州寧國縣江南東路

宋史地理志至道三年分天下為十五路天聖析為十八路元豐  
又析為二十三路按宋史地理志寧國府本宣州宣城郡寧國軍  
節度乾道二年以孝宗潛邸升府縣六自  
是府縣同名南渡以後改宣州為寧國府

元江浙省江東建康道寧國路寧國縣

寧國縣志

卷一 輿地志上 建置

六

元史地理志至元十  
四年改為寧國路

明南京寧國府寧國縣

明史地理志元寧國路太祖丁酉年曰宣城府  
丙午年曰宣州府吳元年仍曰寧國府領縣六

清江南安徽省寧國府寧國縣

簡

民國安徽省寧國縣

附 查兩江總督 順治四年設駐江寧轄江南河南江西三省  
六年改轄江南江西二省康熙元年兼操江 江南

安徽巡撫 初設為操江兼安徽巡撫駐安慶順治五年移駐池州  
康熙元年操江軍務併歸總督始專設安徽巡撫復駐

安 江南安徽承宣布政使司 順治二年初設為江南布政使司十  
慶 八年分為左布政使司康熙六年定

為安徽布政使司乾隆二 江南安徽提刑按察使司 初設為江南  
十八年由江寧移駐安慶 提刑按察使

司駐江寧康熙三年分設北按察使司駐泗州五 分巡徽寧池太  
年又改北按察使司為安徽按察使司駐安慶

廣兵備道

駐蕪湖兼理權務

順治初年設徽寧道

駐宣城後駐旌德

康熙三年併

安慶入池太道

移駐池州後復駐蕪湖

六年裁徽寧道十年復設

駐歙縣

二十

一年復裁雍正十一年改設安徽寧池太廣兵備道一人

十二年議准兼

管蕪湖關稅務

咸豐四年

上諭徽寧各屬改暫歸浙江巡撫兼轄

為徽寧池太廣兵備道加

按察使銜專摺奏事

駐宣城十年移駐祁門

同治三年罷按察司銜

四年復駐蕪湖

光宣間因之民國元年道府制廢三年復設蕪湖道道尹

駐蕪湖轄

皖南二十三縣十六年又裁

附 (軍治)清設安徽皖南鎮總兵管轄防營汛地

駐宣城光緒三十一年裁

民國

設皖南鎮守使

二年設初名蕪大

專管軍政寧國隸之十六年裁



輿地志 上

疆域

戴記稱廣谷大川異制民生其間異俗分土分民所從來遠矣寧邑接壤縣凡九人民繁雜疆界不可不明

寧國縣縱一百五十里橫二百四十里周圍三百五十里（清康熙舊志）

東至豪阡關一百三十里接於潛縣界

西至烏嶺一百一十里接旌德縣界

東南至千秋嶺一百零五里接於潛縣界

南至馬頭嶺一百三十里接昌化縣界

北至分界山三十五里接宣城縣界

東南至銅嶺關一百三十里接於潛縣界

西南至崇山關一百三十里接績溪縣界

東北至董嶺八十五里接安吉縣界

西北至柏枧山三十八里接宣城縣界

東達廣德縣城一百七十里

西達旌德縣城一百四十五里

東南達於潛縣城一百六十五里

北達宣城縣城九十里元豐九域志云一百十里清一統志云九十里方輿紀要云一百零五里（已上清

光緒舊志稿）

東北達南京首都水五百五十里陸四百六十里

東南達湖州陸一百八十里至四安由水九十里至湖州

西達安徽省會水五百二十里陸五百里

西南達徽州陸二百二十里

正北達北平水三千一百四十里陸二千九百五十五里

（已上清康熙

舊志）

輿地志 上

星野

在天成象在地成形凡志地輿者必及分野自河南省志有分野之圖天下咸遵其式今本書照懷寧蕪湖等縣志仍列入以

符志  
體

寧邑分野次為星紀宿屬南斗星當天府度在斗初

周禮保章氏注星紀吳越也魏太史陳卓曰於辰在丑吳越之分野屬揚州 晉書天文志自南斗十二度至須女七度為星紀此概舉吳越言也 漢書地理志吳地斗分野也今之會稽九江丹陽豫章廬江廣陵六安臨淮盡吳分也 唐書天文志南斗在雲漢下流當淮海間為吳分又斗牽牛星紀也 宋史天文志南斗六星亦曰天機南二星魁天渠也中央二星天相也北二星天府庭也 石申曰魁第一主吳二會稽三丹陽四豫章五廬江六九江 明史天文志斗三度至女一度星紀之次也三才圖云寧國分野在斗七度按歷代言星野皆統舉揚州未嘗歧吳越於揚而言之然言吳斗分野諸書同唐一行次分野南斗牽牛星紀之次則寧國分野次為星紀無疑明 劉文成基清類分野書復可考

輿地志 上

經緯度 寒暑附

縣城位置在東經一百一十八度五十四分北緯三十度十八分

寒暑 依攝氏表

極寒下零五度      極暑高百度



輿地志 上

形勢

寧國南峙籠叢東連天目北聳文脊西矗紫山岡巒四塞鬱為巖壑  
錯交四郡故關隘獨多

(舊府志)

寧之地北淺南深東西亦略相稱

(清康熙舊志)

東有千秋之峻絕西有文脊之秀麗陽豪控其南石嶺控其北東溪  
潏洄曲屈繞縣之左西溪奔流湧決繞縣之右中溪委宛紆折繞縣  
之前縣治平行諸山森列於外有獻翠拱碧之狀層巒疊峯飛舞翺  
翔而至其東之巫山嶺西之楊維岡南之南山崗北之石嶺又近附  
於郭以為環城鎮鑰亦大有形勝之勢也

按寧邑地勢迴環山川完固歙州左臂宛陵上游彈丸之雄莫與  
京也又按白居易詩土控吳兼越謂宣也於寧更肖之 舊府志  
載崇慶寺名山勝川為江南之甲廣輿志謂寧之獨山峯巒秀起  
但指一山餘皆可知似寧邑山水又宛陵之甲也

輿地志 上

山脉

舊志無今增山名附

寧治處叢山中峯巒層疊四面聳若屏障其山脉約分四支均以黃山為祖自黃山經行歙績逶迤直入縣境者三支一支自縣西南籠叢山洋丁山起轉東北為石鏡山西北為紫山蜀洪山又轉東北經塵嶺雲門蟠龍泰山尖等至鷄山析為妙山白雲山石巖山俗呼靈巖環繞縣城盡於五河渡此一脈也一支自縣西遙嘉嶺起至屏山而陽壕而吳嶺而東山分千頃山洋丁山水盡於萬福里此又一脈也一支自縣南千頃山起繞昌化於潛交界之銅嶺至湯公山而了髻山而嶽山分千頃山千秋嶺水盡於石口此又一脈也另一支自浙江

天目山行經於潛孝豐入寧國為落花峯

十三都朱家村又名落花尖

北經孔夫

關而朗山而北姑山此又一脈也其他沿東西二溪之支脈蜿蜒綿亘一起一伏東北達疊洪山西北達文脊山抵宣城境氣勢磅礴與通靈柏枧相並峙績溪胡氏止澄山脉考云徽州大好山水著名者黃山山脉東迤至浙江之天目山又分二支一支行經於潛臨安等縣而訖於杭州城隍山以東之錢塘江西岸一支西北行仍由寧國廣德郎溪入江蘇境經高淳溧水句容等縣而訖於南京之鍾山新見修安徽通志按胡氏所云是寧國東南諸山脉雖由天目迴折仍以黃山為祖可無疑焉

山名

(東)

巫山

縣東一里環城之景  
所稱巫嶺晴雲即此

鐘山

縣東波羅溪右環城之  
景所稱鐘山曙白即此

顯山

縣東四里與鷄山相望  
墓在焉端明殿學士趙庸齊為誌立石今廢

妙山

縣東五里下有潭四時澄澈亦名妙  
潭在河瀝溪東南二里下即妙山村

女兒山

縣東二十里山臨深碧唐開元中神女現羅隱有詩  
刻石剝蝕不可識又名響山又名語山在沙埠西岸

長洪嶺

縣東三十里有關通廣德舊府志云洪公山長洪嶺實一山  
後人因山勢綿延以其起訖別名之故道里有不同耳即今

之長  
虹舖

蔣山

縣東三十里以神人蔣公名  
山上寺前有田泉流不竭

銀山

縣東六十里十五  
都舊有銀冶久廢

寧國縣志

卷一 輿地志上 山名

半月山

縣東六十五里董家村傍臨大河壁如劔削巖半有石榴蜂  
房石耳仰見不可取相傳是山與宣城水東撈山合而為一

雖語涉荒唐而山形似之山下即董養吾  
讀書處宣城進士董繩燾有半月山歌

倒騎龍山

縣東七十五里係徽浙通衢要道懸崖峭壁怪石嵯峨下  
臨河潭深不可測背水依山建有祠山殿一座為行人休

憩之  
所

禹堯尖

縣東八十五里高四百丈峯嵐聳峙上有  
龍池世傳禹治水過此因名但俚諺無據

梅峯

縣東九十里下為桑源  
風景清閒逸士雅愛之

朗山

縣東百十里一名長安山由孔夫關轉而西聳秀特  
巽山夾兩水環繞如帶下為宋仙都巡檢使族址

落花峯

縣東百三十里高三百餘丈數  
十里外望若文筆又名錫杖山

(東南)

西山

縣東南五里宋虞璠隱居於此  
有花石松竹亭樹清麗久廢

石仙尖

縣東南四十里高插雲漢上有仙人祠舊傳葛仙翁曾採藥於此按以上二山舊志不載今據舊府志補入

東山

縣東南五十里山南溪洞逼隘至此豁然頓開景色朗秀下有渡曰石口為東谿所經即今之東山渡

關口山

縣東南六十里方輿紀要兩峯錯峙若門扃一名獅象山其中徑隘溪深崖坪相望巖洞奇勝泉壑縱橫通志云其中坪

田多油漆紙皮之利坪盡山高有懸崖隱洞飛瀑龍湫在十六都

嶽山

縣東南六十五里高三百丈周迴四十六里由慕信鄉之金石徑入山百餘步東西兩峯對立如門巖洞深邃莫測

冷渡五山

縣東南九十里東曰蜿蜒經數十里有溪遇霖潦人皆病涉宋

寶佑丙辰通判蘄州鄭希聲架石梁以渡旋圯明仙志睿重建

北姑山

清一統志縣東南九十里脈自天目來委蛇舒衍忽而峭拔有楊龍巖深邃容百餘人下為泉流飛瀉舊府志載高三百

丈周迴三十里

湯公山

縣東南一百二十里高二百八十丈周迴八十里傍一峯名仙人尖有石壇山下有廟俗或訛為成湯廟因又名山為商

寧國縣志

卷一 輿地志上 山名

十五

山右為馬蹄嶺路通昌化左有銅嶺關路通於潛

千秋嶺

清一統志縣東南一百二十里岡巒屬谿谷幽深道通浙西楊吳招討使季濤攻吳越取道處也舊志載亢旱時雲氣

一起輒雨久潦他山未霽此嶺雲散必晴羅隱送梅處士詩迴望千秋嶺上雲即此

天目山

縣東南百五十里江南通志山本浙西巨鎮非寧境然寧邑諸山半其支脈實有藩屏之勢舊志列入今仍之

(南)

駐蹕山

縣南一里又名薛家山明太祖南征駐蹕此山長公主生焉邑人榮之名駐蹕云

鷄山

縣南五里一名鳳山世傳有金鷄鳴其上舊府志云峯巒秀拔縣治之鎮山也在波羅溪南岸下即鷄山坪村

泰山尖

縣南十里與學宮對峙明嘉靖六年署縣事胡子亞建石塔其上後傾廢知縣勞紹科葺之清順治舊志云南不三里有

寧國古縣址舊府志謂尖為峯

琴山

縣南三十里宋乾道中里人楊東建萬卷樓於麓大慧禪師宗杲訪之見其山似琴因名琴山



陽豪山

縣南三十里最高為邑南障絕頂有龍湫噴湧而出遙望如練又呼平巖山舊立陽豪府君之祠

屏山

縣南五十里形如列屏大慧禪師宗杲所名

象鼻山

縣南六十里形類象鼻有巖曰寶陀飛泉自頂下怒氣噴薄聲如雷震

千頃山

縣南七十里接昌化境舊有黃蘗禪師道場今廢山上有池約千頃池中一山形似鉢孟即呼鉢孟山黃蘗肉身現存祈

雨多應相傳黃蘗蓋寺之木片入池化為魚今池內有魚狀如木片者由此大旱水涸往往見之池居山頂南流昌化北流寧國天

將雨池中黑烟如線裊篆半空頃即密雲四佈彼此莫識雷聲隱隱在山足間又有迴峯嶺怪石奇松諸勝

黃尖山

縣南七十里山上有葛仙巖俗傳葛仙翁煉丹於此有石室

黃顏山

縣南八十里高二百餘丈上有石屋容數百人壁徑陡峭緣虛以登相傳晉永嘉中仙人黃顏修煉處

了髻山

縣南八十五里高二百五十丈巨石如了髻南唐時常作烽燧樓於其上外有仙燕洞舊傳鄉民避兵之所

中臺山

縣南百二十里許舊立中臺山君祠

寧國縣志

卷一 輿地志上 山名

(西南)

黃崗嶺

縣西南四里山脈盤旋起伏勢甚聳拔

華陽山

通志府西南八十里名勝志其山連跨宣涇寧旌諸邑按明史南都破故山東巡撫成都邱祖德流寓寧國聞徽州金聲

起兵祖德與寧國舉人錢文龍諸生吳漢超從尹民興起兵兵敗匿華之祖德駐華陽山又宣城諸生吳漢超從尹民興起兵兵敗匿華

陽山中皆此山也舊志不載此山茲以與寧國有連故附入

楓樹嶺

在塵嶺北上有哨臺與獨蛇伏嶺分水叢山四關皆茂密險隘之地又北曰雲門蟠龍山

塵嶺山

縣西南八十里方輿紀要云嶺高險與籠叢相埒隋末汪華嘗駐兵於此有藏馬洞卓戈泉等勝清康熙舊志或以山

多塵得名

籠叢山

縣西南百五十里方輿紀要云其南屬績溪界峻壁崇關宣歙阨塞處也明正德間姚源盜起官軍於此防戍之叢山關

在焉

獨山

縣西五里自鐵陵屏發脈為

寶山頭

縣西十里近有觀音山龍潭坪仁

鳧山

縣西三十里大小

秀雲巖

縣西三十里

玉屏山

縣西嵩山之側崎嶁壁

石柱源

縣西六十里石笋高五丈

陽和峯

縣西六十里峭拔如筆有甘露寺俗傳每

石柱山

縣西七十里有石壁

遙嘉嶺

縣西七十五里界

寧國縣志

卷一 輿地志上 山名

石鼓山

縣西九十里輿地紀勝載縣南八十五里引寰宇紀云上有

五里以其飛泉迅湍聲如擊鼓與王象之所引異

高峯山

縣西九十里三十都西坑山之上峯最聳秀東趨

八角峯

縣西九十里發脈黃山歷旌德宣城至寧為黃尖高峯諸山

面面相似蓋狀如九疑云山之左又有文筆峯

紫山

縣西百里高數百仞周迴二百里左右迴旋前峯尤聳峙中

有水合胡樂司巡檢置於此

栢山

縣西百里

石鏡山

縣西百十里石如

將軍石山

縣西百二十里山嶺有石高十五丈雄偉聳拔如介士橫劍屹立

獅山 縣西百二十里上有

石門 縣西百二十里有石門

(西北)

白雲山 縣西北五里在西津渡之左山

嵩山 縣西北七里高二百丈周迴三十里為嵩陽王村坐山山下

峙其旁或以為形似嵩嶽故名舊府志云下臨西津有奉

梅公山 縣西北十里山脈蜿蜒曲折而來至此

文脊山 方輿紀要云縣西北三十里高數千丈西接涇旌諸山北接

云文脊山一名曷山何法盛晉中興書云有瞿硎先生不知姓名

有龍湫及靈巖寺沈大聖祠齊雲亭宋梅聖俞張獻民同遊留

寧國縣志 卷一 輿地志上山名

十八

山門山 一名石門山又名靈巖山在文脊山東南諸洞勝概萃於一

陽曰紫雲曰漣漪曰枇杷曰龍潭相距不一里許施閏章遊記云

朝陽者南向爽塏戶牖三面蓋瞿硎先生披裘坐石室處東百

餘步從怪石中側墜下者紫雲也窅深而明時出雲氣自西北穿

謂漣漪者也左陟山椒右陷而中虛崖罅有枇杷樹洞以是名其

稍遠者為龍潭大旱不涸龍窟其中嘉靖間土人竭水灌田雷奮

龍見日為晝暝其水東北逕漣漪合流匯於港口其餘如竇如井

多深隘不可入春夏水漲灌輸萬竅衆山怒號若考鐘鼓始入門

曰靈巖寺有古木一樹三花人稱瞿硎樹其新闢而菴者在腹曰

石馬山 方輿紀要在旗鼓山西

而多軒豁通朗給人遊目類有道人接而桓温造訪物色使伏滔作贊

温故自可哉千百世下求

斯人之車塵馬跡可得哉

石嶺 在山門山東十里宋建炎二年叛將戚方犯

龍潭山 方輿紀要縣西北百里下有龍潭與文脊山連亘宣旌

(北)

烏石峯 縣北十里一名仙人山明成化間楊氏幼女年十三棄家修煉結茅山隈數載白日冲舉聚觀者千百人收其遺物葬焉

塑像佛堂之右水旱疾疫禱則輒應相近有游魚山

旗鼓山 縣北十五里左為旗右為鼓夾西潯水對立拱護縣治

佛嶺 相傳大慧禪師宗杲卓錫處城北十五里古楓一株杲手植

通靈峯 縣北二十五里四山如環孤圓挺秀絕頂平處六七畝有二井菴後石壁巉然號鷄冠石舊志云石馬通靈並接宣城境

獅子巖 縣北二十五里萬山之中別開一境僧晉仁開山明湯賓尹葉詵讀書處太守羅汝芳愛其精萃幽寂與錢德洪講學其

間巖下有香泉井夾路松羅漢石諸勝泉多螭虎每天陰雨乘霧飛躍其巔頂即石巖山孤峭特異錢緒山有詩里人包伸張列宿

亦皆 留句

遊魚山 縣北洲中形宛似魚

柏槻山 在縣北屬宣城為邑西北屏幃

(東北)

洪公山 縣東北四里高一丈過迴二十里舊名長洪嶺昔有隱士洪伯禮隱此山有水源獨西流深二三丈歲旱禱之致雷雨

石巖山 縣東北十里山頂有泉湧出歲旱祈禱多應下為五河渡

硃陀山 縣東北十里屬三十八都兩峯夾峙中有古刹旁一池水清冽有蟲盈寸許腹紅而背黑扁首長尾四足形如壁虎游泳

水間土人呼為香蟲亦異產也

鴉山 縣東北三十里與廣德建平接界梅侍讀詢詩茶賁鴉山雪滿甌梅聖俞詩茶味鴉山佳寰宇記云山出茶茶經云味與

蕪州同舊志載縣西北誤張所勉鴉山辨則謂屬建平以舊志收入仍之

疊洪山

縣東北四十里高數百仞周迴數十里上聳奇峯橫巨磅礪自五河渡北抵宣城東南諸山皆發脈於此東去為澤嶺冬

夏恆濕故名上有禪菴竹梲山泉尤清冽可愛梵刹飛空與高峯樂天二菴遙峙北麓為蔡后山上有乳洞碁盤石下有茗洞龍洞湧泉石壁諸勝雖隸宣境實此山之靈脈所鍾則疊洪洵寧治之北障也

岱儒山

二十九都環川產茶最佳章醇隱此因號岱樵

海峯山

二十九都環川水口上有古刹下有龍山

烏嶺坑山

寧旌分界處二十九都環川為東南屏障

畫眉崽山

二十九都環川茶最佳

福金山

高山古刹地藏曾顯身處

三姑嶺

二十九都環川徽旌孔道上有古刹茶亭

石壁山

下有潭深碧可愛西源諸水潑迴注此

寧國縣志

卷一 輿地志上 山名

紫巖山

二十九都環川與岱儒山相近一峯獨秀屈曲而上山嶺有池池上建龍王廟歲旱里人祈雨輒應下有仙人足跡並石

棋盤石下泉味清冽煮茗特異章禮讓築館山麓顏曰紫巖館章醇有詩

霽坑山

即三十都西坑山

蒼坑山

三十都山上有龍王祠西有雲岫庵

平山

三十二都一圖平廣百畝左接東岸為翰林洪雲墓右為村里案山

月山

三十五都高陽王村案山形似新月故名與高對峙下有雙溪互流

蟹山

下有西潯渡一百八灘之一也西北為石馬山

蟠龍山

即蟠龍鋪

吳嶺

即虹龍甸古名

梅樹峯

數十里外望如雙筆

蜀洪山 紫山西徑僻險

洋丁山 即洋源

董嶺 與安吉界唐周朴有董嶺水詩

敏子嶺 縣龍過脉處

銅嶺 即銅關

觀音山 又名霜霖山有佛像昔傳曾見身巔杪跌坪遠眺城烟在目

龍潭坪 上建六朝禪院巖石磊磊別有洞天

仁村嶺 通徽旌大路上有古刹燬見祁侯承璞路碑今新建一庵

修道山 上有桃花巖巖高水流瀑布千尋中有一石觀音居民數十家溉田百餘畝境界幽異

豪山 浙界分脈處祖龍最高有仙跡數種

寧國縣志

卷一 輿地志上山名

二十一

順嶺 路通徽浙舊有魚藍觀音曾於大江覆船處浮衣渡客問其姓名曰余非土人也寧國縣順嶺頭是吾家焉客訪至此

然無其人憩嶺庵見像恍似江邊浮衣渡者悚然捐貲裝飾今像尚存為縣龍過脉之處

龍潭山 山頂龍潭投以巨石一曲一停凡八十一曲已深入山底漸隱不聞山下有天柱石門紫霞洞諸勝為小挑源主山即

胡樂鎮來脈寧邑西津來源正在此山左右邑人周贊重遊龍潭避難處詩云層巒千仞翠遮天萬片飛雲九曲泉怪底書生寒切

骨此身曾伴老龍眠

自岱儒山訖龍潭山以里數未詳統列於後

輿地志 上

水系 支水附

經流水按寧國縣東西二溪東溪謂之杭水西溪謂之徽水至五河渡合流寰宇記謂之句溪九域志謂之五湖水者也今以二溪為經流他山谷小水入二溪者為支流仍各附於後

東溪源出杭州於潛縣天目山北流二十里至落花峯又五里至落馬橋受孔夫關水又三里至寶石橋千秋嶺水入焉又十五里至冷渡受湯公山水又西北十里至石牌受陳村水又十五里至鳳凰橋受博里水深坑水又北十里至石口千頃山水墩溪水曲折入焉水勢漸盛可容小舫至闌干溪

一作琅玕

又十里至汪村沙埠受廣德界小

水又十五里至長短溪又北五里至波羅溪受洋丁源中溪諸水又北五里至東津曰河瀝溪又北經縣東五里妙山丁復引而北諸溪潭水皆流合焉至縣北十二里五河渡與西溪合以出自杭之於潛故曰杭水至縣之五河渡合焉故曰五湖水

西溪源出徽州績溪縣八公塘經旌德八都從滑渡入寧境受小桃

源諸水至金溪口八十餘里與叢山關水合

舊志云西溪源出徽州績溪縣籠叢山北流至

叢山關受丁家店水誤

又北二十五里至橫溪水昌化縣界之仙人洞水旌德

縣界之篁嶺洪源水俱流入焉又北十里至胡樂鎮有滑渡水出旌德縣界之鳧山東流入焉又四十里為羅陵灣中有根石方丈許激流為阻又北有龍潭水源出文脊山亦流合焉又東北流五里是為

西津渡又北十里至五河渡受雙溪水與東溪合又北十里至相府潭受胡村汪溪水又北十里爲衆潄潭至港口受乾溪水逶迤十里許入宣城界以出自徽州之績溪故曰徽水入宣城縣界句溪北至三汊河口與宛溪合又北至水陽鎮爲龍溪又西北至黃池鎮亦名黃池水又西合青弋江出蕪湖入大江 齊召南水道提綱水陽江出寧國縣有二源西南源出縣南與績溪縣界之叢山關西北流有四小水東西來會又北流經胡樂司又北流數十里曰西河折東流至蟠龍舖之西北又一溪自南合東來二水來會又東北流六十里涇縣城西北有東河自東南來會東南源卽東河又有二源一東南出與浙江界山兩水西北流合經獅橋鎮南又西北至石口鎮南又

折東流經梅林鎮北而東又折北流經河瀝溪鎮西又西北十餘里至縣城東北又北與西河會於五河渡之西北流經杜遷鎮黃渡鎮又北分為二派一北流一西北流數十里至宣城縣東南 舊府志云東西二溪皆石灘源淺水急稍通小舟不堪重載入宣城又一百五里計一百八灘灘各有名曰黃土坑曰青山灣曰前蘆曰魚梁曰楊孟村曰東山曰汪村曰許家曰倉渚曰水車嶺曰女兒山曰沆口曰和尚曰西灣曰沙步曰長墩曰獅子石曰調石曰亭頭曰柯村曰烏村曰劉村曰澄兒潭曰祝村曰顯山曰了溪口曰洪公曰奚家莊曰妙山曰范村曰石村曰楊載曰五河渡曰冷山曰六兒埠曰大斧曰王村曰澄埂頭曰蟹山曰了莊曰削斧曰車千曰崔山曰潭宛曰



洪石埠曰衆潯曰烏石曰楊家曰趙村曰杜遷曰鷓兒曰余家曰西塔曰中洲曰七村曰石馬陂曰胡泥曰董家灣曰戴村曰水東曰殷家曰石嘴頭曰中嘴曰後潭曰~~珠~~蘆曰銅坑口曰孟村曰田家灣曰沈村曰麥莊曰黃渡曰煨墩曰楊家曰上張家灣曰下張家灣曰余皮曰雙溪曰高橋坊曰羅家曰上沙灣曰下沙灣曰烏泥埠曰下烏泥曰泥灣曰土山曰雙橋港曰梅家曰張村港曰東溪曰句溪曰灘頭曰花沿曰下和尚曰石陂曰竹篩溝曰廟下曰胡家曰師家溝曰竈窠山曰油榨溝曰趙家莊曰硤石曰拉馬曰直渡溝曰蘆葦溝曰渾山港曰管家渡曰徐村

按縣境諸山谷水湍悍漂疾久雨則飛流噴射直下數十丈一瀉無

遺勢不能渟為陂塘其會於東西二溪者水勢亦皆建瓴走阪迅流三四日即告淺涸石齒峻嶒舟楫罕至此縣境所以水旱時見商賈阻隔貧瘠甚於他縣也若循地脈逶迤曲折釃三四支建斗門以蓄洩之庶乎其有瘳也

按東西二溪在清嘉道間均為縣境最切要之河流東溪船隻可達獅橋鎮烏牌仍可上達十里或二十里不等東鄉產米區米下貨上胥賴於此西溪船隻與烏牌長年均可直達胡樂鎮寧邑食糧雖豐年猶缺四成然三分之一則仰給於績溪每藉烏牌順流東運績溪所需之百貨亦即由河瀝溪轉運西上河瀝溪昔年商務繁盛其主因乃在是咸同兵燹後人事廢弛河道淤阻船隻只泊河瀝溪商務亦遂移於宣城及孫家埠矣民國十九年縣長艱而河瀝溪商務亦遂移於宣城及孫家埠矣民國十九年縣長沈氣含考察所及除興築宣寧汽車公路外曾親勘東西兩溪詳定計畫事簡功偉不僅可以回復曩日之交通且於軍事政治文化建設上亦均得最需要之補助惜卸任事輟後之賢者幸注意及之

支水

千秋嶺水

出於潛界繚嶺東迤邐西北至寶石橋（清一統志）

千頃山水

一名墩溪源出千頃山麓（清一統志）舊府志載與昌化中山畫界西北流七十餘里至汪村又十五里為墩溪東溪由鳳凰橋又十里至石口此水入焉廣德界水出廣德縣境東溪受千頃山水水始可航至闌干溪又十里至汪村受此

水焉

洋丁源水

出浙江昌化縣洋丁山麓（清一統志）舊府志載北流至石門折而東至波羅溪入東溪

湯公山水

源出湯公山麓北行二十五里至冷水渡入焉（清一統志）

瀉溪

受於潛孝豐界唐舍關諸水東過冷渡入焉（舊府志）

北姑山水

出縣之北姑山東溪過望仙橋併此水（舊府志）

陳村水

出縣陳村東溪自冷渡又十里至石牌受此水（舊府志）

寧國縣志

卷一 輿地志上 支水

博里水深坑水

並從鳳凰橋入大溪東溪由石牌十五里至鳳凰山二水入焉

中溪水

出陽豪山（舊作羊號誤）經古懷安縣並方木坑橋水至桐油陂又受蒜子嶺石壠口水經舒亮陂萬福里出波羅溪入東溪源長約百三十里（按亦名中河為五河之一）

胡村水

出廣德界東溪與西溪合又北十二里有此水（清一統志）舊府志載胡村汪溪水其源有二皆出廣德合流於胡村之陽過金溪入東津非港口胡村

合溪

出縣西北東溪至馬家溪此溪入焉

雙溪

出縣西北十里溪源有二一出石嶺南一出嵩陽王村至五河渡

嵩陽西流水

亦名王家小溪出嵩山麓繞村西流入雙溪每遇除夕有水主年豐無水主歲旱極驗

澄清溪

出文脊山下東溪又經通靈峯北石馬潭此溪流合焉

柏槻溪

出宣城縣栢槻山南東溪至港口渡受此水亦曰乾溪雨久則潦雨止則涸故以乾溪為名

苦竹溪 出縣石鏡山之西入洋丁源水

桑源 出縣東九十里梅峯會瀉溪入五河

方木坑橋東西二水 出縣方木坑橋入中溪

石湖潭 出縣南十五里懷安鄉之東川兩山如束溪流洶湧至半山洩為瀑布懸峯約十餘丈下有潭入山又十里許過蒜嶺有

硤石山洞怪石崔嵬水流其中仰望石罅天如一綫亦宇內之幽境也 (石湖潭亦名石壟口中溪至桐油陂又受蒜子嶺及此

水一)

丁家店水 出縣西南境入西溪

落花溪 縣東百二十里源出落花峯麓徑數十里至寶石橋與千秋嶺水合焉溪中有睡僧石木魚石又溪皆石而中窪如釜

水從高迸落復噴躍而出飛珠濺沫若炒胡麻然俗呼炒麻鍋 (清康熙舊志)

仙人洞水 源出昌化縣之仙人洞至橫溪入西溪 (清一統志) 仙人洞水從洞底側出繞山行數里注斌坑至橫溪入徽

寧國縣志 卷一 輿地志上 支水

水按徽水即西溪

篁嶺水 源出旌德縣篁嶺山之陽西達起源水至橫溪入徽水 (清一統志)

滑渡水 由徽之上田經旌德石鼻山之腋東流至滑渡入縣界北至霞鄉合徽水舊府志云舊有望霞台今廢至此水深可筏又

四十里至東岸

葛村水 出涇縣騎馬嶺繞葛村岡南合環川水又折而至東岸合殿基深坑長嶺諸水入徽水 (清一統志)

環川水 出旌德兩水迴環故名

泌溪源 出旌德縣烏嶺卜嶺之腋遠環川合丁溪水西溪自霞鄉四十里至東岸受此水

東岸水 出縣東岸長嶺水出縣長嶺殿基至鎖潭河口

濟川水 出濟源

虞澗溪 出縣巫嶺俱入西溪

淨湍水 出東岸河東觀音殿側迴環

龍潭水 出文脊山石池中廣三四丈其深不可測時見靈怪歲旱禱

水清一統志云西溪至  
羅陵灣北此水入焉

何村水 出縣何村徐村水出縣徐村俱入

環川水 出縣西境入葛村水

弋溪水 出縣高峯入泌溪

丁溪水 出涇縣界東至縣入泌溪（舊府志載與涇縣入琴溪者同名故彼水又名下丁溪）

老龍潭 西津書院前寬約畝許大旱水車不竭

馬跡泉 縣塵嶺上唐汪華以戈舂石得泉處

澱溪 距東山渡十里許為東溪之匯有潭曰瞿潭又名七儒潭深百尺其清可鑒毫髮傳為瞿剛先生同隱士七遨遊垂釣處南里

寧國縣志 卷一 輿地志上 支水

許有石台上有棋枰茗盃諸跡今沒於水漁者猶見之

五湖 九域志寧國縣有五湖水明王廷相寧川歌五湖渡口夕陽明即此按縣有東河二西河二中河一總匯於縣北之五河渡故

曰五河東河一出孝豐於潛廣德界自東北來一出昌化界自東南匯於石口鎮之岳山前源俱八九十里併二為一曰東河西河

一出績溪歙縣繞旌德下胡樂司一出涇縣旌德界下泌溪口匯於東岸亦併二為一俱曰西河是東西二河實四河矣復有中河

（即中溪）出績溪界洋丁源隨縣脈界透迤而下至波羅溪出東津總會於五河渡

聲溪 仙中丞築室其上號聲溪主人

冽溪 縣北二十五里元人八景詩冽溪漁唱即此

琅玕溪 縣東五十里源出廣德界

落公湍 縣北二十五里見廣輿記

妙灘 縣東五里妙山下水色紺碧源從馬蹄山通洪公潭出

洪公潭 縣東北五里洪公山下

相府潭 縣北二十里源自洪公潭而下接衆潯潭

衆潯潭 縣西北三十里潭際石阜壁立下有龍去大河數十百武其深莫測源脈暗通相府石馬諸潭舊府志云潭水清美異他

處夾岸桃花十數里俗稱桃源

石馬潭 縣西北三十里一名中潯能興雲雨每歲旱禱輒應潭旁出泉或曰有神龍焉

羅陵灣 東岸下四十里有方石突起溪中與水激蕩清順治舊志名印石向上流處多印文

波羅溪 溪近峴山路通於潛孝豐

港口 縣北三十里有鎮有渡

馬跡潭 水中大石上有數馬跡幽僻絕塵

寧國縣志卷一

輿地志中

古蹟 名勝附 風景片列卷首

地志載古蹟始於王象之劉昭注郡國志殆與沿革可相表裏舊志獨缺今採通志暨舊府志所載者立一門兼以志名勝登臨懷古或有助歟

古蹟八景

章復集 儒峯疊翠雙溪垂虹岩竇清泉紫岩暮煙碧潭  
秋月西山春曉海峯雪松沙堤煙柳 復詩涓涓不斷  
瓊玉揚輝洞見蛟龍窟老枝屈曲蟠玉龍柔情絆空弄晴色  
汪澤民詩橋橫萬古不知老山到半空猶欲高皆八景中句

環城十二景

北樓遠眺南崗積翠東市花畦西津夜月虞澗環流鐘  
山曙白玉屏雪霽長春暮雨巫嶺晴雲洪崖仙蹟柏寺  
音 梵

周孔子堂又名過堂

宣城志云過堂在縣南五里世傳孔子曾過此因名然無考據不足信舊府志云孔子堂縣南

寧國縣志

卷一 輿地志中 古蹟名勝附

一百里堂下有馬跑泉相傳夫子遊吳時至此後人建堂紀其事  
清乾隆舊府志云縣東北二十里宋處士吳晦之詩云滔滔衰世  
難行道歷聘諸侯幾十年試向荒祠尋舊迹一泓堂下馬跑泉浮  
梁李椿年與朱紫陽同學宋紹興中任寧國縣嘗率諸生講學於  
此按堂既以孔子經過為名應與井近惟舊府志云縣南百里與  
寰宇記輿地紀勝所載之井不遠其說良是而謂縣西五里縣東  
北二十里者或後人更  
附會為之非其舊也

夫子巷

縣南門內

古縣城

縣南十三里周一百三十步唐武德甲申廢

懷安古城

縣南四十里方輿志吳大帝分宛陵之南置懷安屬丹陽郡至晉廢

烏石古城

縣東一百十里盤山之外世傳南唐立縣基址猶存今不可考

港口古城

何應琰港口八景詩首曰古城煙影是港口原有故城清康熙舊志失載今按港口韓家橋北磚街十餘丈堅緻通衢猶在應與縣南古城懷安古城並存其蹟

安古城烏石古城並存其蹟

港口戰場

明翰林金聲徽士江天一同謀起兵遣武狀元王幹統兵至此與官兵戰於乾溪王大敗遁走為僧不知所終

治南舊署遺址

廳西曰製錦堂曰方舟邑宰齊慶胄建曰讀書林邑宰莫澤建製錦堂後小軒舊曰偃室邑宰何湛易為

得初堂北依山有亭曰悠然曰清心邑宰方甫建縣圃北環植桂花曰延月亭圃中有池磊小亭曰度香又曰野航又有清風堂為舍人張孝祥墨跡邑宰侯如岡因雙蓮雙麥之瑞改清風曰雙瑞又亭曰重翠曰潔塵曰佳趣俱邑宰金與主簿陳友容建曰愛山鄒補為之記治東數武又

仙人洞

縣東百里十五都泉川茅山脚洞口偃狹遊人伏身入內深遂不可測旁有跑馬洞長十餘丈巖罅石乳凝結成形似人似物詭奇不一好事者往往往熱炬入覽最深處一洞流水聲潺潺相傳有龍潛內大旱鄉人禱雨頗靈驗洞口蝙蝠無數其矢能製云 硝

晉瞿劭石室

寰宇記引何法盛晉中興書云有瞿劭先生不知姓名石門一名山門洞瞿劭先生隱居於此洞有瞿劭因以自號桓溫嘗造訪見先生披鹿裘坐石室神色自若溫異之乃命伏滔作頌

寧國縣志

卷一 輿地志中 古蹟名勝附

清康熙舊志云石門高敞車馬旌旗可過西南有龍門今三十五都

麻屯里

縣北三十里廷慶寺西俗曰麻屯寺或云趙將麻秋嘗過此屯兵因指其地曰此麻胡屯處也是則西晉時所遺名按石勒將麻秋臨江而止未嘗至江左但姓麻者多獨一麻秋乎清康熙舊志寺在杜水之東潯水之下傍有石洞龍藏其中又有何公

釣磯宋秘書何公嘗隱此著有落花吟余珊題云砌臨石馬一溪樹簷列金鰲萬疊山

唐藏馬洞

縣西八十里塵嶺之巔世傳唐汪華藏馬處

望霞臺

縣西五里高三丈週迴二十八步唐貞觀中縣令榮陽鄭氏所立今廢

王梅嶺

縣北三十里唐咸通中益公嘗講法山巔羣虎伏聽居人駭異乃建通靈菴居之宋王梅禪師來此成果嶺因以名又曰王公道場按舊志通靈兩峯對峙南曰桃尖嶺北曰望仙嶺人方之錢塘兩高峯下有清泉洞又曰豺狗洞

杪欏樹

按雲屋和尚集註云舊志千頃山唐楚南禪師道場有杪欏樹一株花開時香聞十里雲屋詩杪欏尋未見風動荻蘆聲

羅隱題詩石

縣東三十里沙埠對河女兒山相傳古有神女現影羅隱題詩鐫石蹟至今存

柱石 縣西七十里石巨如柱高度列山名門

省農亭 北城上清康熙三十二年知縣李錦建

宣詔亭 縣前今廢

頌春亭 縣前今廢

齊雲亭 縣東南山門宋梅堯臣與宣城簿張獻民刻詩其上名人題詠甚多見通志今三十五都

化洽亭 縣東南唐乾寧中邑令范傳真建沈顏之有詩見通志

萬卷堂 縣南三十里宋乾道中楊東讀書處見通志今二十三都

黃顏石室 縣黃顏山頂可容數百人相傳晉永嘉中黃顏修煉於此見通志今十七都

石鏡 縣西百十里二十五都高丈許其能照人者大僅如掌瑩若青燐之石光遂泯久乃漸復清道光癸卯冬邑人周贊年九歲往遊觀鏡上碎光斷續命從者登崖撥開樹根覓之果得一圓大如碗

寧國縣志

卷一 輿地志中 古蹟名勝附

處僧大驚異有龍潭人到少石鏡我來多之句俗傳能照人三生十年三至題云深山花鳥鏡中春曾照洪荒太古人若說三生都影那回真

石嶺 縣北古關寨險隘方致堯戰戚方何通泰戰紅巾賊扼於此見通志

落花溪 縣東百二十里源出落花峯麓徑數十里至寶石橋與千秋嶺水合焉溪中有睡僧石木魚石今十三都餘載支水門內

叢山關 縣西百三十里方輿紀要載在籠叢山路當徽寧要口

官嶺天池 縣東百二十里盤山絕頂週數十畝深窅莫測雲起即雨逢旱有禱必應今十三都

棋盤石 縣東一百十里雲梯千秋山麓對徑丈餘平砥若棋盤相傳仙人常奕於此仙克謹吳元五均有題咏詳藝文

石鼓 縣西九十里石如鼓天輒鳴詳山名門

千僧井 崇因寺舊傳有井供千僧汲大旱不竭梁宋以來尚存傍有駐馬墩千佛塔寺址二山雌雄相接其山盡處有太子殿不節分毫亦不差法輪轉處即生涯要知勸善崇因寺畢竟還歸是

知所始按寺觀舊志明時寺僧開殿基從土中得宋臬公詩時



十松亭 縣署東卽宜秋署遺址沈括有詩

虞璠草堂 縣南五里璠宋侍郎虞儔父也隱居於此

萬卷堂 縣南三十里琴山下宋乾道中楊東讀書處故人湯鵬舉入參大政印國子監書籍遺之藏其中又有玉書案百硯閣今

廢汪雨公述樓草註東嘗集弟子百餘人講學於此舊址俱存又縣東百十里步雲橋側吳隱君亦有萬卷堂遺蹟

耕綠臺 縣後廢

轉山堂 縣後廢

寶陀巖 縣東北百里飛泉迸下其聲如雷

楊龍巖 縣南百里石洞深邃可容百餘人天光下燭中有泉飛瀉

丁仙巖 縣西南七十里

寧國縣志

卷一 輿地志中 古蹟名勝附

羅漢竹 縣西一百十里石鏡寺前有羅漢竹十八竿每一竿生則一竿竹枯下有龍潭湧泉

雲梯奇石 石有六種牽牛石烏龜石碁盤石香鑪石響石鏡石宋淳熙間三衢人題名

叫鐘 縣北三里教忠祠祠前一坑人見白霧昇天指為祥兆因以坑為井汲水相傳有鐘飛鳴而來僧取水見之遂墜於坑至今浪起隱隱有聲俗因呼曰叫鐘寺今名教忠從其音也

元趙子昂石刻 縣東式嶺普慧菴有南無釋迦牟尼佛七字大如箕題云宋宗室趙孟頫書

晚節亭 縣西百里元末處士王子昌建舒頤記

北樓 縣治後卽舊北城樓明太祖南征入城塞之以拒元兵後遂長閉嘉靖丁未知縣范鎬加築之傍南三古木皆數十圍籐蘿膠

纍相傳有靈蛇長數十丈夜出飲人或見之兵燹燬壞光緒辛卯年吳邦彥等重修養性於此民國十七年冬燬於火故址圯

歛福樓 縣東門外久廢

留雲樓 奉聖禪院之右白雲山巔崇奉關帝明嘉靖庚申邑士人匾曰洞觀萬歷十五年復新之匾曰白雲樓蕭郡守有詩紀之

樓危聳於孤巔之上平原數十里清流澄澈於下  
崇禎間傾圮汪生承穀偕黃可縉捐資鼎建今廢

### 洞門

相傳會元楊邦彥自紹興隱此仙宗彝記仙克謹有詩  
縣東百二十里石山對峙臨石洞傍有小徑僅可捫壁行

### 將軍四山

曰青山曰北姑峯曰巖山仙克謹有詩  
縣東南六十里中可容百餘人

### 仙鷺洞

昔鄉民避兵於此全活甚衆

### 清後樂園

芸走蠹即此又後樂園  
縣署東廳知縣馬光置傍建琴台汪作霖詩東壁琴台  
縣署東廳知縣馬光置傍建琴台汪作霖詩東壁琴台

### 西坑勝境

有縣西二十里  
縣西二十里

### 森秀亭

城北  
久廢

### 糝井

傳縣東六十里橋頭相  
宗杲以糝作圈故

### 鐵圈井

宋奉聖寺右古井一所有鐵圈明正德間造按清順治舊志  
宋平章事何執中欲以舊址為塋墓時有謠曰頭靠山門脚

踏水門當坐朝端要葬此墳  
謠興而羣議遂起卒不果

### 寧國縣志

### 卷一 輿地志中 古蹟名勝附

### 喜雨碑

在瞿硎祠清康熙五十年三十  
五都山門程姓立詳見碑記

### 更一樓

白雲山巔令  
馬光建久廢

### 曠然亭

白雲山左邑令  
馬光建久廢

### 宜一亭

即鑿鐵菴舊址清康熙四十九年  
邑令陳養元建有碑記見藝文志

### 西津橋亭

知縣楊  
名遠建

### 河瀝溪橋亭

知縣楊名遠  
重建今廢

### 澄清橋亭

明嘉靖間邑  
人袁澤募建

輿地志中

坊表凡節孝建坊者具列於表傳中茲不複出

護國安民坊縣門前南

修政坊縣門前東

敷教坊縣門前西市口已上俱縣令陶允明建康熙甲子毀於燼

景祺世渥坊為封武昌知縣汪文英太孺人胡氏立久廢

雄峻風清坊縣西城外廣東道御史巡按湖廣兼監軍汪承詔封孺人俞氏立今廢

東津礮坊縣令陳伯龍建今廢

西津礮坊縣令高夢旂建今廢

護國庇民坊勅封顯佑伯寧國縣城隍今廢

寧國縣志

卷一 輿地志中 坊表

榮錦坊縣東為宋參知政事饒虎臣立今廢

西卿坊縣西為宋兵部侍郎饒虎臣立今廢

雙鳳坊縣東為宋進士奚士達士遜立今廢

狀元坊儒學東為宋進士吳潛立今廢

登科坊儒學西為洪武己卯科張祖壬午科朱宗柯長宣德己酉科柯森立今廢

蟾宮得意坊縣西為正德丁卯科袁澤立今廢

清卿坊察院西為封戶部主事贈太常寺少卿屠龍太常寺卿管南京國子監祭酒屠義英立今廢

夏官坊儒學東為巫山令贈兵部職方司主事許萬相嘉靖癸丑科進士兵部職方司主事武選司郎中許汝驥立今廢

憲臺坊察院東為進士朱一松鄉進朱一柏立今廢

光啓坊西門城外為宏治戊午科段善立今廢

穀似綸褒坊

為南昌縣知縣黃志袞封太孺人洪氏萬曆戊戌進士黃一騰封孺人章氏立今廢

天衡風紀坊

縣西門內為禮部主事考選江西道御史永平兵備參議黃一騰立

康師錫寵坊

為建安知縣仙時忠封太孺人汪氏萬曆丁未進士仙克謹封孺人袁氏立

憲邦申綸坊

縣東為兵部職方司郎中仙克謹封宜人袁氏立坊柱近燬礎存

三代中丞坊

縣東百十里仙氏義館右

綸褒世寵坊

縣東百十里仙氏義倉左

歷朝題名坊

黃氏殿基水口礎存

輿地志中

關隘

千秋關 一縣東南百二十里。千嶺上為入杭間道。清一統志云：又通於潛縣阮村。天目志亦載。

孔夫關 宋南渡時，建方輿紀要載：縣東南百二十里，旁有夫子堂。夫子井，僅盈尺，引汲不竭。即吳嚼蠟所咏馬跑泉是也。俗傳

此短書雜記之，謬孔子未嘗至吳地。考史記載子貢入越，或經此。途後人希聖欽賢，因之記入。亦未可知耳。清康熙舊志載：關前有龍神祠，明正德丁丑，孝豐湯九毛寇聚，撫按湯寇就擒。凱奏官萬潮知縣王廷相率眾守禦。時六月雪深三尺，湯寇就擒。凱奏感龍神之應，勅孝豐縣春秋祀之。一曰孔阜關，方言夫誤為阜。

小嶺關 十縣北二里。

豪塹關 潛縣東百三十里，通於縣。一曰豪阡，今廢。

唐舍關 孝豐東百二十里，通縣。上梅西溪。

寧國縣志

卷一 輿地志中 關隘

銅嶺關 於縣東百三十里，路通潛。石佛殿，今廢。

白沙關 通縣東南百三十里，路於潛。昌化，今廢。

馬頭嶺關 里縣南百三十里，通昌化。

董嶺關 通縣東八十里，孝豐廣德。

長洪關 路縣東三十里，通廣德。

楓樹嶺哨臺 四縣西五十年，建臺其上。今廢。礎存。嘉靖

獨蛇關 村縣西四十五里，西塢。路通宣城。虎潭山。

盤坑嶺關 十縣西三十里，即獨蛇關。濟坑進。

伏嶺關 城縣西七十里，新坑源。通宣密壩關。今廢。址存。

分水嶺關 山縣西南八十里，西坑。上通宣城。盤嶺。

叢山關

縣西百三十里  
名勝門並列入

狹山關

縣東九十里  
里郎村

唐舍關

縣東百零五里

黃沙關

縣東南通於潛之  
別徑見方輿紀要

輿地志 中

梁

西津渡橋

縣西二里明嘉靖中建許五河有記舊府志云嘉靖中邑人同知楊嘉慶募建名同人橋九門高四丈長四丈廣二丈石巖四十丈知府羅汝芳記清康熙八年夏五月大水蛟數出橋圯知縣蕭澍命方允孺等首倡程璽募捐重建馬令告成四十九年橋柱及埂岸傾拆邑令陳養元率邑人重修有記雍正七年復圯三門貢生胡夢周獨力捐修又為蛟毀夢周子啓渡復修乾隆四十五年傾圮洪克堂等募修嘉慶十五年橋堞傾圮孝廉胡少泉修道光元年吳錦王槐等又募修道光三年夏五月大雨一月橋崩裂十餘丈知縣梁中孚方議建未果今圯僅存一塊

東津渡橋

縣東河瀝溪明嘉靖壬午義民胡珂捐金二千建丙戌夏圯辛卯冬珂復建又圯萬曆戊申知縣陳伯龍捐募重建清康熙壬戌胡次琬倡修又石裂柱圯珂裔其鳳鳩族葺之有記乾隆五年圯程煜于士幹募工甫半被蛟傾嗣貢生于士位職員朱城各捐募重建乾隆庚戌圯朱永銓王有諧等倡修陸行通道橋跨東溪長九丈三尺寬二丈六尺石塚八座歲久蕩於激湍損

寧國縣志

卷首 輿地志中 梁

塚二礮面礮欄俱損光緒二十二年九月知縣鄭思賢捐廉入制錢一百餘千首倡復諭董廣募重修中以董意見齟齬稽之光緒二十四年戊戌十一月工始竣礮面礮欄均完整立有碑記民國二十二年偏東橋脚損邑人胡猷鴻喻性直等倡募修復今蕪屯汽車行駛其上

泗汾橋

縣西六十里黃君晦有記

白石橋

縣南五里明洪武中建

奚頓橋

縣南五十里元至正中建明永樂癸未葉氏重建

前鶴橋

縣南八十里元至正中建明洪武中金三保重建

冷渡橋

縣東南九十里明洪武中建正德間里人仙志睿朱文熙易

二門至十五年防弁陳起鳳里人仙綸來仙祖德倡修康熙初年邑為記刊石舊府志云宋寶祐丙辰通判鄭希聲建民國十三年邑人楊秀峯捐資重修

利市橋 縣南一百里  
明洪武中建

雙溪橋 縣北十里  
清乾隆間里人  
貢生王萬清倡捐重建

澄清橋 縣北三十里  
歛人胡榮知縣袁澤募邑人同建有亭三楹可  
避風雨清康熙年間邑人胡曾璐重建知縣杜時禧記後圯

監生胡夢熊修道光三年蛟水  
冲圯四年里人倡捐又復重修

永寧橋 縣西三十里  
胡榮壽建明宏治間榮裔重建更名  
金鳳橋 清乾隆三十八年榮裔光堂偕弟清修

葉莊橋 縣西四十里  
明天順中建

環溪大橋 縣西九十里  
邑人參軍章夢麟倡族人建橋五洞費緡萬  
左接大士閣水月臺右接玉泉菴仙克謹書環秀堤有文

石勒

東山橋 縣東五十里  
與石口鎮對納昌化於潛孝豐廣德諸界溪水  
寧治西津河瀝溪橋外高廣無踰此橋有六洞舊傳胡孀婦

建石匠難之婦曰我心匪石不可轉  
豈其然哉致齋禱於神遂  
成至今屹立明時胡氏朱氏董氏葺之清康熙四十年稍圯義士

寧國縣志

卷一 輿地志中 梁

十一

于衡生請於邑令陳養元補修之有記雍正十一年知縣張斌督  
貢生于仕位僧無我募修乾隆辛丑旌民方汝公方永言捐資同

方賢德方宛山于國憲募建日久傾圯行人病焉光緒二十三年  
貢生陳孟儒董浩然稟請知縣鄭思賢捐錢一百餘千興修民國

十一年被蛟洪冲坍塌兩術勢將傾圯旌民方軫方翰（永言之裔  
一邑人董協中（浩然之子）徐雲濤熊之岷程為端朱衣點葉

樹滋胡猷勳甘澤普倡議募修工程將半因軍興歲飢中途停止  
民國十八年徐雲濤赴滬募捐前淞滬警備司令楊虎（邑人一

代募銀幣八百五十元修復橋面過於經費又中止民國二十三  
年楊虎獨捐銀幣一千八百六十元計時七十日全功告成規復

舊觀遐邇德之刊有豐碑紀念舊  
名東山渡橋今去渡字名東山礮

萬家橋 縣東八十里  
徽浙衝衢千頃塘道場坪諸水匯焉義民萬嘉  
謨捐資砌石址五架木為梁建瓦屋九楹於上費約五百金

清嘉慶九年其裔庠生鳴謙倡  
族人重建（已上通志所載）

獅子橋 東城門外明景泰  
甲戌胡文通建

觀音橋 縣東一里  
螺嶺脚下



七星石橋 城北通五河渡下有水眼大旱不涸又同處

薛家橋 縣東十五里明景泰庚午胡文通建

薛公橋 縣西二十里明洪武中建

三台橋 縣西六十里牛頭嶺下進一里秀田灣黃一騰父墓在焉

赤坑口橋 縣西六十五里洋灣之上官壩溝水從橋過黃氏重修

金華橋 縣西六十里黃珣有碑記

八畝橋 縣西六十里

朋坑橋 縣西一百一十里

竹坑橋 縣西一百一十里

關英橋 縣西一百一十里明洪武中建宏治元年饒佐重建

寧國縣志 卷一 輿地志中 梁

金坡橋 縣西一百二十里義民胡廣建

跨龍橋 縣西一百三十里明洪武初建成化間邑人饒養滋復建

南郭橋 縣南二百八十里步明宏治甲子程榮華建清嘉慶二年俞興富劉相廷程卓然重建

西灣橋 縣南二十里明永樂癸未章捨保建

牡丹橋 縣南五十里明洪武中建

鳳凰橋 縣東五十里明洪武中建清康熙四十年圯東鄉士民重建

何村橋 縣南八十里明至正中建洪武中楊巖慶重建

汪洋橋 縣東三十五里僧源水重建

福源橋 縣東五十里名六都橋宋時建水衝圯明嘉靖中奚文顯重建

寶石橋 縣東一百二十五里明正德間義民朱文榮建有記

太山橋 縣東七十里名七都播狼明洪

斜橋 縣北一里明正德

澳渡橋 縣東一百二十

繼祖橋 縣東三十里邑人胡

楊裏橋 縣西二

將軍橋 縣西五

周易橋 縣西七十里明洪武中陳宗

吳嶺橋 吳嶺殿傍知

雙溪橋 吳嶺殿下明崇禎間楊巖慶建有李邑令記清順治

太廟橋 縣西五十里

寧國縣志 卷一 輿地志中 梁

平王橋 縣西七十里明正德

楊鼎橋 縣西八十里明正德

泌溪橋 縣西七十里清康熙間旌民姚姓上坦章族併旌邑各巨族

坵乾隆間旌邑江志昌

蜀洪橋 縣西南九十五里明至

胡樂司橋 縣西九十里胡樂司巡

王墓橋 縣西九十三里

長楓橋 縣北

南塘橋 縣西長春門宋尚書徐勣建後坵勣裔徐月德重建清康

山門橋 縣西二十

小溪橋 縣西竹川上異里二石

步雲橋 雲梯宋吳隱君萬卷堂側通千秋關銅嶺清康熙四十年圯朱氏重建乾隆五十六年朱萬理後裔重修

望仙橋 輿渡溪下又併北姑峯水南通昌化古烏石路北通孝豐明崇禎甲申圯仙中丞子作霖作礪孫和來各捐金重補之清道光四年蛟水冲

道光四年蛟水冲  
圯仙氏合族重建

烏石橋 古烏石城外水出湯

高峯橋 高五丈楊祖保後裔捐建

盛家橋 高峯下里許南浙通衢里人楊至山建

妙山橋 縣東百里式嶺下南通孝豐明庠生楊澤林建橋三門廣八九丈

瀉溪塔橋 納唐舍關禹堯峯下諸水又當冷渡各溪會聚之處兩岸約里許潦涸不常木橋頻泛清康熙壬午雲霧菴僧永源募建

募建  
石梁

寧國縣志 卷一 輿地志中 梁

朱家橋 通昌化朱國用倡建民國十一年圯

樂善橋 岳山司琅玕溪跨孝豐廣德界溪流匯處清康熙己未庠生仙綸來請於邑令馬光給簿令近地董福倡募後橋成樹四

碑於橋亭仙姓出資建一碑異姓助資建二碑僧錦仙募建一碑邑令陳主策記後朽毀嘉慶年朱仙二姓各建一門萬孔盛募建

一門嘉慶二十一年朱紹喜捐修  
一門仙捐修一門萬募修一門

吉義塢橋 縣東沙埠下

滑渡橋 跨徽水寧旌孔道僧元若募建

通濟大橋 縣西環川宋咸淳間疊石架木後傾朽萬曆辛丑章氏倡義重造六洞費萬緡九載而後成利賴至今黃一騰有碑

記

東軒小橋 宋咸淳乙丑年里人章文躍裔東軒六分建元至正辛巳重修邑令戴邁有碑記

石嶺雙橋 縣西環川清康熙年易名永濟橋又名善繼橋邑人章守耿因橋圯欲改葺之未就而卒子貢士璽太學生瑩重造

謂能成父  
志故名

壽溪橋

縣東八十里桑源村右清順  
治間萬士楨建一名清橋

月橋

縣西五十里  
鎖溪洪姓建

三元橋

縣西五十里  
河口鎮

千秋橋

縣西二十五里嶺里諸水由此  
出濟川胡清同章大經合建

五嶺聚源石橋

縣西三十里  
澤夏方姓建

葉家橋

縣東百里清嘉慶間  
里人吳青雲倡建

梅嶺脚橋

縣西百里跨徽旌二源水方慶甫維賀維  
宇維光倡建捐田二畝為橋亭施茶之貲

長林橋

縣西八十里李村清順治甲午洪汝果胡濟源  
建洪啓權記乾隆間旌民江志昌同章姓募修

川洞橋

縣西東岸鎮  
楊家園人建

寧國縣志

卷一 輿地志中 梁

昭明坎橋

縣西環川  
章姓建

永豐橋

縣西程村明嘉靖中環川章景亨章昱亨  
建清嘉靖己巳章待椿章繼裕重募建

金溪橋

縣西九十里胡樂鎮明嘉靖丙申霞鄉胡世傑建清康熙乙  
未傑裔承昌兆藩修乾隆辛酉里人周鼎羲胡紹渭林邑汪

岐周旌邑郭中立修甲午圯中立  
子斫煊疊石架木上建屋十一間

崇溪橋

縣南石崇灣清嘉慶十四年胡萬友  
方君宸李鑣同旌邑洪世嶧募建

萬福橋

縣北清嘉慶間飲  
寶程惟淳捐建

聚福橋

縣北三十里  
里洪家莊

瞿溪橋

縣北三十里明正德中  
建清乾隆五十二年修

龍鰍橋

縣北三十里明成化十  
六年姜氏相男進保建

飛橋

縣北三十里徐村清康熙九年  
建邑北三十里王希教額曰長虹飛渡

奕發橋

縣東四十里葉世志世忠建

錦城橋

縣東百二十里盤山清嘉慶五年楊姓建橋左有文星樓仙大治有詩

曲隴橋

縣東九里

繼志橋

縣西百里方塘清康熙間旌邑劉宏韶建乾隆癸巳裔元英修嘉慶丙子裔翊廷焯奏勳其淵等重修知縣蘇景眉撰碑

神功橋

縣西九里清康熙年間建

指梅橋

縣西百里梅嶺下胡士文倡修

長灣橋

縣西陶積才建

真竹橋

陶積才建

遇僊橋

縣西百二十里上有萬福樓中川周氏建

交溪橋

縣東九十里夏山楊姓建

寧國縣志

卷一 輿地志中 梁

十六

獅橋

縣東八里

小溪橋

在同善鎮清乾隆九年職員朱城建與竹川上異里同名

蕩平橋

縣東八十餘里十七都嘉慶七年衆建

萬春橋

縣西二十七都周灣周孝益子基忠基厚建

華封橋

在二十八都秦坑口本名清溪橋方沛建清道光四年里人改今名

大坑橋

縣西環川清康熙年間章一楊造

環山橋

周鼎有碑記

高橋

古冷渡上舊烏石城水口

坑口橋

梅林鎮下背山之

重念橋

在十都

雙溪橋 縣南鄉奧川下清同治七年蛟水冲塌光緒五年楊光裕重建

同仁橋 縣南鄉吳嶺鎮光緒七年楊光裕勸捐重造

楊家橋 縣西二十五都地當東西孔道清光緒八年蛟水冲决二十年知縣鄭思賢捐廉首倡重建有序案卷附督工募捐則

有程國俊杜永全俞炳光葛芳桂杜維清

汪溪石橋 縣北三十九都上通徽浙下達宣蕪舊有渡船行人每患涉險清光緒十九年貢生李治平武生包廷榮職員周萬

紫等稟請建橋知縣鄭思賢捐錢一百餘千並給印簿勸建造後傾拔貢梅燮元倡捐修復之民國十一年蛟水冲圮二十三年

蕪屯公路局改建木橋通行汽車

祿青橋 縣東百一十里左青山右萬祿山因名明崇禎間仙中丞建

冲圮仙如賢後裔重修

通濟橋 縣西四十里蟠龍舖洪永春造與通濟大橋異清順治舊志載葉莊橋誤

寧國縣志 卷一 輿地志中 梁

沙埕橋 縣南九里

菊花橋 縣南九里

韓家橋 杜遷鎮明萬曆年知縣侯建有碑

代溪橋 永寧舖下汪一顯造

永橋 三十二都楊灣忠孝里十人輸田七分輪管修造

周公橋 里人汪一孝建

三元橋 里人汪福生建

黃山橋 縣北二十五里山門洞東五里通涇縣民國十一年拔貢梅燮元倡首募建

啟明橋 縣北港口鎮東首民國二十一年邑人毛家崐張煥新倡首募建

南門石板橋 民國十一年邑人楊必鴻捐資重修

沙埠橋 十縣東二里

陳華橋 縣東十二都楊村前民國二十三年楊虎夫人陳華捐資獨建

中津石橋 民國十二年邑人楊必鴻等重修

渡

西津渡 清光緒二十年知縣鄭思賢倡捐典史沈福新偕董事汪嗣林方輝鮑琪汪時模胡桂笙捐造新渡舟有記

波羅溪渡 縣南四里由於潛孝豐經此

長墩溪渡 十縣南里

河口渡 十縣西四里

永濟渡 縣西五十里東岸渡頭潭深澄碧

五河渡 十縣北里

寧國縣志 卷一 輿地志中 渡

石村渡 有二縣東五十里一縣北十里

港口渡 十縣西北三里

西澗渡 十縣北二里

桃源渡 縣北二十五里澗潭西

大村渡 十縣西里

汪村渡 十縣東三里

石口渡 石口鎮舊志缺

中溪渡 中溪塔新設

沙埠渡 四都

亭頭渡 離城十五里由浙孔道舊志缺

梅林渡 縣東三十里水張亭頭迂道由此始得渡

葛村渡 縣西二十里

中塔渡 縣西四十里

雲門渡 縣西四十里中塔裏

一葉渡 縣西三十里趙村

長生渡 縣西三十里王管村

胡樂溪渡 縣西九里

羅田渡 縣北十里

虞家渡 縣東十里

坑口渡 縣西七十里新設

寧國縣志

卷一 輿地志中 渡

十九

悠然渡 縣西十五里灣口

谷樹山渡 縣東二十里

白菓樹下渡 縣東五里

墩上渡 縣東六十里

濱口渡 縣東四十里

潘村渡 縣東四十里

衆潯渡 縣東七十里

于家渡 縣東九十里



輿地志 中

城

方輿紀要云縣南十三里有故縣城孫吳築城於此以防山越唐改  
 今治宋南渡後以縣為臨安藩蔽每增築之有門四明初龍鳳三年  
 太祖下其城命築塞北門通志云寧國縣城周五百一十九丈高一  
 丈五尺厚稱是三門元至正中白總管建北門明初塞之舊府志明  
 正德中知縣王時正重建四門東振武西接文南秀水北明山嘉靖  
 中知縣范鎬更復三門名皆從民取義東春秀西秋實南南畝加築  
 北樓今為政暇覽勝之地清康熙十三年知縣馬光重修定三門名  
 額東啟明西中鎮南景陽又東關外一門曰歛福今西門外二門北

寧國縣志

卷一 輿地志中 城

二十

向曰朝京南向曰長春雍正七年知縣劉鑑重修環城警舖七所濠

四其西南濠今堙

按咸豐兵燹後重修城池一次舊檔無存年月失考民國二十年七月城西隅傾十丈餘城基陷四

尺深縣長蘇錫衡召集委員會議修推城紳吳覺民督理修竣補葺雉堞計用公款一千三百餘元城濠自西關長春門繞南門達

北城以通龍潭經歷年挑浚尚可無淤塞患二十五年縣長王式典復徵工大濬之並躬親其役

故城

清一統志懷安故城在縣東南四十里舊府志云在縣東南一百里後漢建安十三年孫權分宛陵置懷安縣晉屬宣城郡隋

初省（隋志平陳郡廢仍併懷安寧國當塗浚適四縣入宣城太平寰宇記陳天嘉五年廢入宣城縣）

烏石

舊府志載縣南九十里槃山北相傳懷遠鄉地名烏石（在今十二都楊家村前）

輿地志 中

公署

縣署

舊在獨山東唐改今治宋紹興間縣令李椿年重建元時知縣丁濟賈瑾前後修建明洪武己酉萬曆癸酉知縣王普徐一檣皆重建清順治五年知縣楊名遠嘉慶十八年知縣蘇景眉並重修大門上譙五間右旌善亭左申明亭儀門外土神祠寅賓館前之左為宴息地額曰退思（知縣杜時禧建）東廳在署東縣丞宅舊址（舊有老梅數十株又有宜秋署知縣陳主策建即古十松亭遺址）縣庫在後堂旁架閣庫在廳事西儀仗庫在廳事左東倉在土神祠左西倉在儀門西咸豐兵燹時悉燬遂遷東門內考棚為縣署（即今縣政府）其舊署遺址民國六年安徽財政廳官產處發給民領（碑記沒）

典史署

在縣治西即主簿署舊址獄在典史署前咸豐年燬

教諭署

明倫堂左今廢

寧國縣志

卷一 輿地志中 公署

訓導署

明倫堂右今廢

胡樂司巡檢署

縣西九十里今廢

岳山司巡檢署

縣東石口鎮今廢

東察院

縣東今廢

西察院

縣學東明宏治間知縣王汝卿建嘉靖己酉范鎬重修今廢

府館

縣西郭外明宏治間知縣王汝卿建嘉靖間知縣范鎬修今廢

縣學

西門外宋崇寧中議州縣皆立學寧國始建在城內夫子巷宋末兵燹徙東郭門外明初教諭羅綸創構於西郭門外宏治間

知縣孫珍徙建明倫堂於殿後邑人袁澤等捐田鑿池建文廟堂廡崇禎中知縣姜荃林清初知縣馬光皆重新仙克謹有記康熙

末知縣陳養元復修葺

縣政府

東門內清同治元年考棚改建計頭門儀門廳事花廳兩廊分科辦事室西監獄在儀門西名土地祠東監獄在頭門東

名習藝所女監在廳事西民國三年署前公生明毀知事楊文瀾  
就其址建立待質所（亦名頭門）十六年改公署稱寧國縣政  
府十九年縣長沈氣含折照牆及舊牌坊暨府門前左右私佔官  
地所建之民房闢為公共體育場四圍植樹規模宏敞氣象一新

輿地志 中

局所

地方財政局

西門內公房民國四年設局十七年改稱地方財政管  
理處後改財務委員會二十四年七月復改科屬於縣

府政

縣警察所

西門內公房民國四年設十六年改稱  
縣公安局二十一年改科屬於縣政府

縣教育局

西門內地方公房  
民國十二年設

郵政局

南門城內現賃民房  
無定址民國八年設

電報局

民國十一年設初設舊文昌宮  
內二十四年歸併於郵政局

永安水龍局

清光緒十七年附生吳邦彥等暨典史沈福新先後稟  
請知縣李蔭堂核准籌備水龍一架光緒二十四年知

縣鄭思賢復籌款諭董楊明烜汪嗣林吳廷舉吳克章於十字街  
口起蓋瓦房二間永作水龍局又捐廉修理太平池民咸感之水

龍局仍存太平池已均廢

輿地志 中

街巷

寧邑城垣雖小在清道光時街市整潔屋宇鱗次頗具局緊機

次修築尚不及半民國四年城紳汪鴻猷倡修三門街亦規復之一也

東營街

城內東門

西營街

城內西門

南營街

城內南門

中正街

城內西門外今俗呼西街

東門街

城內東門外

橫街

南通長春門北通朝京門

九世墩

城外西門今廢

寧國縣志

卷一 輿地志中 街巷

治所坊巷

今塞

夫子巷

南營街東

仙井巷

南營街西今圈入議事廳內井圈仍存

前巷

中正街前

後巷

中正街後即古槐里今西街北

楊家巷

橫街西

輿地志 中

鄉鎮

鷄山鄉 一都 三四十一都 四十二里

寧仁鄉 二都 三四都 寧四都 凡五里

蘆城鄉 四都 一圖 二圖 五都 六都 七都 凡六里 距城八十里

慕信鄉 八都 九都 十都 凡三里 距城一百里

懷遠鄉 十一都 十二都 十三都 一圖 二圖 三圖 凡四里 距城一百二十里

岳山鄉 十四都 十五都 十六都 一圖 二圖 凡三里 距城百十里

仁德鄉 十七都 十八都 十九都 凡二里 距城百九十里

懷安鄉 二十都 二十一都 二十二都 凡三里 距城三十里

寧國縣志

卷一 輿地志中 鄉鎮

寧國鄉 二十三都 二十四都 寧三都 凡四里

安樂鄉 二十五都 二十六都 凡二里 距城百三十里

徽慶鄉 二十七都 二十八都 一圖 二圖 凡三里 距城八十里

崇信鄉 二十九都 三十都 凡二里 距城九十里

雲門鄉 三十一都 三十二都 一圖 二圖 三圖 凡三里 距城四十五里

延福鄉 三十四都 一圖 二圖 三圖 三圖 凡十里 距城三十里

香城鄉 三十七都 一圖 二圖 三圖 四圖 凡六里 距城三十四里

凡鄉 十五統都 四十二里 六十 宋元豐九域志 寧國縣十五鄉

胡樂鎮 縣西百十里 方輿紀要云 縣西南九十里 其地有蜀洪山明洪武初置 巡司戍守 巡檢司所治

嶽山鎮 縣東南五十里 明史地理志 嶽山巡檢司舊置 嶽山下 方輿紀要地名何弄 隴洪武中遷於 紐口東去舊所二十里 嘉靖

二十五年以礦盜發議遷舊所未果三十二年復置於縣東南六十里河口市即石口鎮巡檢司所治

杜遷鎮 縣西北三十里今日港口鎮宋元豐九域志寧國有杜遷鎮杜亦作純

河瀝溪鎮 縣東五里

梅林鎮 縣東三十里

吳嶺鎮 縣東五十里又名虹龍甸

墩上鎮 縣東六十里今名敦讓鎮

中溪塔鎮 縣東六十里

萬家橋鎮 縣東七十里

朱家橋鎮 縣東八十里

獅橋鎮 縣東八十里

寧國縣志

卷一 輿地志中 鄉鎮

二十六

雲梯鎮 縣東百二十里方輿紀要云舊置仙都巡檢司於此

蟠龍舖鎮 縣西四十里今廢

三元塔鎮 縣西四十里今廢

東岸鎮 縣西五十里

五河渡鎮 縣北十里方輿紀要十二里今廢

輿地志中

倉廩倉儲積穀辦法附

歲有豐歉數實使然為民牧者平時無備而臨時又乏賑救之策  
嗷嗷待哺何以甦之夫古之常平義倉備於平日賑於臨時寧之  
山溪盈涸無常一值旱潦民輒失  
措司民者可不於荒政預講之哉

明

預備倉

縣署東即舊之均義倉也明  
正統丁巳劉清改為預平倉

倉之積粟或豐年官出糴本儲以待散或罪人入贖以濟饑民行  
之既久而不能無弊儲穀多則易於耗損儲穀少則苦其不足故  
必上倉之穀穎粟之實而無秕稗之耗蓋藏之固而無雀鼠之損  
則守支者庶無累而年之大侵亦有備焉清康熙  
舊志

寧國縣志

卷一 輿地志中 倉廩倉儲附

二十七

寧國山溪陂堰值洪水易於衝決故旱則赤地潦則瀾漫是以五  
穀不登而民輒告饑知縣范鎬於各壩立為壩長不時修理淤者  
通之淺者濬之傾者增之圯者築之是以水之溢有所洩涸有所  
匯歲稔而人和矣清康熙  
舊志

決水灌田有溝水可通則引溝水灌田或田高而水不可引者則  
有水車為救旱之助至於水不得車者各於田間自開塘井以資

灌溉

清康熙  
舊志

濟農倉

典史宅  
前今廢

便民倉

教忠寺  
東今廢

古人云救荒無奇策荒而云救亦補苴罅漏之功而已

明嘉靖舊  
志范鎬曰



予觀寧國若吳叔軒之在杞縣賑恤有方而民不流徙袁潤民之在新城糜鬻食饑而全活甚衆雖不必人被其澤而二君子亦可謂盡心者故予於志荒政之末不敢沒其善法

清

東倉

縣署東共十六廩明末存十一廩仁義禮三字號順治十六年知縣張秉衡建

前倉

縣署儀門外西廊康熙三十七年知縣杜時禧造四十五年知縣蘇瑛改爲倉

西倉

縣署西舊爲外監康熙三十二年知縣李錦改爲倉共八廩四十五年蘇瑛毀前四廩後四廩存又堂右龍亭庫李錦改爲

倉今  
朽折

順治己丑大歉四鄉亂民發廩邑人黃可縉著救時策勸云吾寧邑六十里各里之殷可以濟各里之乏酌量均派上戶賙十人或七八人少者至三四人立簿開列以極貧無產室者隨出財之家

寧國縣志

卷一 輿地志中 倉廩倉儲附

二十八

少壯俾之傭活老疾煑粥贍養至於貧而負大膂力大智謀者推為家督糾子弟防禦大盜如此則上不費官錢下不損民命亂民

自靖矣

清康熙  
舊志

康熙十七年寧邑旱荒知縣馬光捐穀千石復勸紳士捐賑以本都之穀賑本都之民或本都無穀及穀少者即支義倉併自捐穀給之無不周遍民賴以全

光不畏雨雪親行發賑每都擇一村落放賑按名登簿給票面領不假吏胥民

沾實  
惠

光緒二十五年兩江總督安徽巡撫會摺奏辦積穀奉准檄行各縣遵照知縣鄭思賢捐廉倡修倉廩八處循章募穀一萬担按當時熟田十九萬九千餘畝計算每畝應捐穀五升二合當即妥擬

詳細辦法稟請院司立案以垂久遠名曰豐裕積穀總會分倉周設四境咸豐以後積穀乃從此復焉

城廂豐裕積穀總會設河瀝溪鎮倉董鮑琪曾福榮

大東鄉豐裕分倉設獅礮鎮倉董楊明炬楊際春

小東鄉豐裕分倉設寧國墩鎮倉董董浩然殷尚文胡翰

南鄉豐裕分倉設虹龍甸即吳嶺鎮倉董楊光裕李治平

西南鄉豐裕分倉設霞西鎮倉董楊光裕李治平

西鄉豐裕分倉設胡樂鎮倉董俞炳光方學模

西北鄉豐裕分倉設東岸鎮倉董方式璋

北鄉豐裕分倉設港口鎮倉董梅燮元洪兆奎包朝正

附積穀詳細辦法十八條

一派定捐數查卑縣係偏僻小縣應遵奉頒定章以一萬擔為率現計縣境成熟糧田十九萬九千餘畝按畝攤派每畝共應捐穀五升二合分年捐收俟秋成定案後遵章稟辦

一擇地設倉查縣境城鄉共四十三都若按都設立倉廩經費無出茲經通盤籌畫擬在附城及各鄉適中之地共設倉廩八處取名豐裕倉每處由總董捐洋五十元以為之倡一在距城五里之河瀝溪鎮後太子廟旁設倉一處隣近之坊市都及一二三四並三十四三十八四十二等八都附之一在大東鄉獅礮鎮三元村萬姓宗祠內設倉一處隣近之六七八九十十一十二二十三等八

都附之一在小東鄉寧國墩借用董姓房屋設倉一處隣近之五都及十四十五十六十七十八十九等七都附之一在南鄉紅羅店東平廟內設倉一處隣近之二十二二十一二十二等三都附之一在西南鄉霞西鎮新置房屋內設倉一處隣近之二十三二十四四十一等三都附之一西鄉胡在樂鎮大寺內設倉一處隣近之二十五二十六二十七二十八等四都附之一在西北鄉東岸鎮舊有充公公所內設倉一處隣近之二十九三十三三十一三十二三十三等五都附之一在北鄉港口鎮後街西津書院公所空屋內設倉一處鄰近之三十五三十六三十七三十九四十等五都附之除河瀝溪倉屋設法籌款建造外此外七處暫借祠廟空

房裝做倉廩均不建造房屋以節經費俟籌有款項再行建造

一每倉選諭公正紳董六名土客各半以二人爲一班分作三班一年一班一土一客上交下接輪流經管每屆年終遵章造具冊結呈縣彙造總冊加結轉送以憑考核

一每倉限六月內交替新舊各董齊集倉所查照原設印簿內登列各數三面按款查算由新董盤收接管一面出具並無短少切結呈縣照章加結通報

一新舊交接時如盤驗數目不符即有挪吞情弊由新董立時據實稟究不得扶同徇隱若並未短少新董即應接收結摺不准故意挑剔留難致滋事端

一每倉僱募倉夫一名常 住倉專司看守收晒等項事務倉內  
遇有風雨打漏等事立時稟知倉董修理毋得忽延每名每月由  
卑職捐給工錢二千一百文以資養贍

一境內各戶買賣稻穀向係論斤此次勸捐積穀亦應循照習俗  
辦理俟捐收時先行酌定數目按戶照數秤收以免參差

一每倉置給官秤一桿由縣印烙所有應收捐穀概以官秤為準  
以昭劃一

一每倉由縣給印簿一本交由倉董收存各都捐穀送倉按都按  
戶按數隨時逐細登記以憑稽查

一各都應捐之穀責成各都董事督同都內牌長各歸各牌由牌  
長按戶照數捐收由都董彙送赴倉以免遺漏

一各都寄莊之戶田在境內人在他縣者責成佃戶捐納俟該業  
主收租時由佃戶照數扣除以資簡便

一各都捐穀由縣查照征冊按都刊刷雙聯印票一本註明戶名  
及應捐穀數交給都董按戶捐收以一半隨時掣給捐戶收執其  
餘一半俟捐收完竣由都董繳縣備查以杜浮冒

一各都挑送捐穀赴倉由縣發給交單一本編列號數給都董收  
存俟送穀時即由都董將穀數隨時挨號填明交單掣給挑夫隨  
同捐穀送交倉董查收

一倉董收穀查照各都送到交單內載穀數收倉登簿登時掣給

收條交送穀人帶交都董一面將收存交單俟各都一律收竣彙總繳縣以憑查核

一各都董接到倉董收條謹慎收藏俟通都捐收完竣即將收條彙同截存聯票一併繳縣以憑查對

一各處倉廩分立數間挨次收儲每收滿一間即行報明用縣印封條封鎖以杜弊竇

一每年四月開倉按照市價酌減平糶出六存四九月買補還倉以敷原額

一捐收各都稻穀如定數之外另有盈餘多多益善另放子倉作倉內應用經費別項要需無論鉅細概不准動用分文以免耗散

以上各條係按照就地情形酌量辦理如將來積穀較多定額之外另有盈餘再行隨時推廣籌酌稟辦登明

光緒三十三年知縣田毓璠稟請院司變更積穀辦法擬定章程六條切實施行務求均沾實惠全縣四十三都分倉四十五所每都一倉或二倉不等因地制宜以免爭執不用豐裕之名

一分都設倉查卑縣全境四十二都加本城坊市都共四十三都卑前縣鄭令思賢原辦僅設正子倉九所毘連各都就近附儲每辦平糶本都貧民爭先購買凡附儲者離倉較遠未能均霑實惠屢興訟端茲經商允各鄉紳董變通辦理除六十兩都地相連屬合為一倉三十九四十四十一等都地方遼闊各分兩倉外其餘

一都一倉就近存儲以備緩急所有倉廩暫借各都祠廟公所量為修改不另建造以省經費

一選董接管查現在既辦分倉從前經管總倉各董未能兼顧自應由各都紳董內遴選承充當經飭據各該地方紳耆公同選舉或舉都董兼充或選殷實老成者飭充以倉穀之多寡定倉董之名數少則一二名多則三四名妥為經理以專責成

一定章稽查查鄭令原定章程每總倉選定公正紳董六人以二人為一班分作三班一年一換輪流經管每屆年終三面按款核算由新董盤收接管其法甚善惟從前附益各都為一倉每都選擇一二公正之人不難足六人之數茲既一都一倉必欲於一都

地方擇定公正紳董六人按年輪管實難其選未便拘泥現飭倉董將經管積穀款項每屆年終邀集都內紳耆牌甲人等會算一次造冊報縣備查如有侵挪諸弊准衿耆牌甲據實稟請查究黜退更換

一借糶兼行查鄭令原定章程祇准平糶而於借放一層並未議行惟卑境山多田少所出糧食無多若上年歉收次年春夏之交穀價無不昂貴鄉曲農民極貧無告者委實無錢購買勢必坐以待斃不得不酌量通融嗣後開辦平糶如有極貧農民責成牌甲長互相担保代出借領字據方准領借秋收加一還倉若屆期延欠短少責成担保之牌甲長賠償牌長分賠六成甲長分賠四成

如無担保之人概不借放

一預籌開放查青黃不接辦理借糶為接濟貧民之惠政必須實事求是方無弊混嗣後辦理開倉事宜倉董於一月前稟縣定期出示一面先於該都內查明次貧極貧各戶丁口若干約出倉穀幾成均勻攤算大口可得若干小口可得若干核定應借應糶數目分別登冊先行給票及期開倉自某甲起至某甲止每甲由該管牌甲長帶同赴倉憑票領取以各都之倉董牌甲長辦理各都借糶事宜分之則少尚易為力不致顧此失彼而情形熟悉亦可免遺濫之虞

一逐漸推廣查卑縣積穀定章以一萬擔為率現在存穀僅有六十一萬一千四百餘斤缺額尚鉅設逢荒歉尚不足恃嗣後如遇豐稔之年應令各該都董查照定章飭令花戶每畝捐穀五升二合俟秋成定案後即行稟辦以期逐漸推廣足額為度

以上六條因時制宜酌量辦法其餘悉令仍照鄭令原定章程辦理  
理登明

城廂坊市都倉一所積穀一萬三千七百九十斤

一都倉一所積穀一萬七千五百八十五斤

二都倉一所積穀一萬一千六百七十七斤十二兩

三都倉一所積穀五千四百六十四斤八兩

四都倉一所積穀一萬四千一百二十八斤四兩

五都倉一所積穀一萬二千二百三十四斤

六十都倉一所積穀一萬四千六百六十四斤

七都倉一所積穀六千九百二十五斤

八都倉一所積穀八千四百斤

九都倉一所積穀一萬二千零二十二斤

十一都倉一所積穀一萬一千三百七十二斤

十二都倉一所積穀一萬二千五百一十六斤

十三都倉一所積穀一萬五千二百三十四斤

十四都倉一所積穀一萬一千五百八十三斤

十五都倉一所積穀一萬二千七百六斤

十六都倉一所積穀一萬九千九百九十六斤

十七都倉一所積穀一萬八百八斤

十八都倉一所積穀一萬四千五百五十二斤

十九都倉一所積穀二萬一千六百斤

二十都倉一所積穀一萬二千九百四十五斤

二十一都倉一所積穀一萬二千九百五十六斤十二兩

二十二都倉一所積穀二萬四千三百二十四斤

二十三都倉一所積穀一萬二千一百七斤

二十四都倉一所積穀六千斤

二十五都倉一所積穀一萬一千一百四十斤



二十六都倉一所積穀八千八百五十斤

二十七都倉一所積穀八千六百五十四斤

二十八都倉一所積穀八千八百二十斤

二十九都倉一所積穀一萬八百斤

三十都倉一所積穀四千八百斤

三十一都倉一所積穀八千一百十二斤

三十二都倉一所積穀一萬四百斤

三十三都倉一所積穀五千八百斤

三十四都倉一所積穀二萬八千三百四十四斤

三十五都倉一所積穀二萬六千八百六十六斤

三十六都倉一所積穀六萬斤

三十七都倉一所積穀一萬五千六百三斤

三十八都倉一所積穀一萬三千八百斤

三十九都倉一所積穀一萬五千六百九十斤

四十都倉一所積穀一萬四千四十五斤

四十一都倉一所積穀一萬八千一百五十九斤

四十二都倉一所積穀二萬六千二十六斤

以上倉四十三所積穀六十一萬一千四百八十九斤四兩均取

具收管無誤切結附卷登明

民國十七年因各都倉董管理不善弊竇叢生迭興訟地方會議根

本解決呈請縣長楊覺菴設整理積穀委員會公舉邑紳汪鴻猷為常務委員將各倉一律整頓澈底清算限繳穀價十八年復改為管理積穀委員會會議表決復將都倉取銷縣設總倉一所全縣分五區十倉改為委員制管理以杜積弊按自清光緒二十五年起迄今止僅三十餘年耳已三易其制足見治人治法兼得良難也

縣倉 設縣西門公屋積數一千三百九十五擔十二斤

### 第一區

第一倉 設公共演講廳積數三百七十二擔八十斤

第二倉 設河瀝溪寶善公所積數四百擔

### 第二區

第三倉 設橋頭瞿氏祠堂積數二百二十四擔三十二斤

分支倉 設獅礮殷村民宅積數一百三十三擔三十二斤

第四倉 設雲梯民宅積數三百三十三擔三十二斤

### 第三區

第五倉 設寧國墩區公所積數三百五十四擔

第六倉 設虹龍甸東平廟積數三百八十一擔二十一斤

### 第四區

第七倉 設胡樂東平廟積數三百七十六擔八十八斤

第八倉 設東岸民宅積數四百擔

### 第五區

第九倉 設港口東平廟積數四百六十九擔

第十倉 設汪溪王村積數四百十六擔六十二斤

以上十三倉積數五千二百五十六擔五十九斤

民食倉

民國二十四年設 附區倉內

鄉倉

民國二十五年設 每聯保一鄉倉附設辦公處計五十二倉

統計各倉現積二萬五千擔 每擔百斤

寧國縣志卷一

輿地志下

壇廟

祠宮閣院樓山房堂附

社稷壇

縣西二里明洪武中建正統間知縣何廣植松立神牌用鐵座樹之曰縣社之神在東曰縣稷之神在西

風雲雷雨山川壇

縣南二里為牌三風雲雷雨牌居中境內山川神居左城隍神居右今均廢

先農壇

縣東門外今廢

三聖壇

有二一舊在虞塘施氏主之後移城西巷相傳壇基隨水高下不至湮沒一在濟川上首本形崐古壇叩禱立應

穀雨祭壇

縣東三里刊石大書四字清道光五年立

厲壇

縣北一里明知縣張令居敬建何令廣植松牌曰本縣境內無祀鬼神臨祭處一設於左一設於右今廢

關聖廟

有二一舊在南城外明崇禎十年知縣謝紹芳姜荃林重建於西門外葉承光復於廟門濬城砌牆以增美之歲久將傾

寧國縣志

卷一 輿地志下 壇廟

清康熙中知縣陳養元重修始建後殿嘉慶間燬移聖像於後殿

春秋及五月十三日致祭於此按康熙舊志圖關聖廟在忠烈廟

西首清咸豐洪楊之亂均燬後人祇建屋三楹改稱東平廟祀關

帝岳武穆附焉民國十六年祀禮廢一在濟川小溪社壇左清

乾隆十三年

建姜承梅記

岳廟

縣西四十里奉聖山今圮

城隍廟

縣治西初明太祖提兵入寧國城隍有捍庇之功御宇後賜鳳眼香長五尺大兩圍中通外駁輕於槁竹至今珍奉神前

每歲六月六日宰牛致祀此為特典異於他縣按賜香出自特恩

可也牲牢幣帛皆有品秩又非春秋致祀之時於農事方賴之際

橫殺一牛恐俚民無知妄傳禍福以惑人清道光舊志不明道理

妄聽妄傳耳舊志又云城隍漢唐以來未見祀典按易泰卦城復

於隍虞翻曰隍城下溝無水稱隍有水稱池郊特牲祭坊與水庸

注庸水溝也左傳襄九年宋災祝宗用馬於四墉杜預注墉城也

城隍之祀於古尚矣北齊書慕容儼傳郢州城先有神祠一所俗

號城隍神每有祈禱隋唐五行志梁武陵王紀祭城隍將烹牛

忽有赤蛇繞牛口南史作邵陵王綸唐文粹李陽冰有縉雲縣城

隍廟記則城隍之神盛於六朝而縣有城隍廟又自見於唐寡學

焚之徒動輒謂為無據故詳著之民國十七年直屬區分部教育局

### 忠烈廟

光末重建規制最宏麗皆祀東平王其餘徑稱東平王廟者

所在皆有通志作祀張有嚴事蹟無考舊志引徽州府志作張抃

按唐詩紀事張抃傳稱抃滑人與張巡固守睢陽城陷死節者三

十六人抃其一也周贇按睢陽忠烈祠從難之牙將雖不得以巡不封王而

大遽指徽州忠烈廟為張巡然亦何得據徽州府志遂概東平王

廟皆為張抃况祀巡則抃可從祀抃則巡無坐處按胡樂東平

王會序稱唐明皇封安祿山為東平王及張巡殉難唐高祖在天

之靈削祿山王號以封張巡使主五瘟以滅賊蓋本死為厲鬼殺

賊之言而附會之其說雖荒唐不足據而東平王之稱實由於此

則東平王廟之為張巡無疑况廟像有殺身之夫人配享有南雷

二將從祀於有嚴抃何取焉贊嘗作東平王廟聯云財賦乃軍國

生機無睢陽是無江淮看唐家郭李收功試問中興何取用東平

係兵民推戴論勞還論氣節比宋代鄂蘄追贈安知後世不封

王韋應物睢陽感懷詩張侯本忠烈濟世有深智（清光緒舊志

稿）

### 襄安王越國汪公廟

縣西九十里塵嶺之陽王姓汪諱華績溪人唐

杭黟婺饒諸軍事封越國公按通鑑武德四年汪華據歙等五

州有衆一萬自稱吳王九月甲子遣使來降拜歙州總管元順帝

### 梅魯王廟

通志縣北七十里祀唐梅公知巖隋大業十三年天下大

犄角鄉邦晏然按新唐書高祖紀武德六年三月苗海潮梅知巖

### 東靈廟

縣西九十里石鼓山神姓裴名萃歙人也按英濟王行狀云

拔劍斬之尸立水中不仆土人異之因

### 僕射廟

縣西四十里西俞村祀宋僕射胡瑞

### 黎山相公廟

縣北二十里唐會昌中建水旱禱之多應神姓李諱穎

通志舊府志皆訛李頻為建州刺史立廟黎山俗號為黎相公廟按

在福建建寧府東南十五里不知何以移於寧國也又考頻登大中八年進士而通志舊府志並云會昌中已建祠皆不諳史載之謬既移建於寧國復以梨為黎改山名為神姓甚誤

### 宛陵侯廟

縣署內向稱社廟祀吳大將軍左都護宛陵侯諸葛瑾神極靈爽按孫大帝稱之曰孤與子瑜有生死不易之誓子瑜之負孤猶孤之負子瑜也生為碩輔歿為明神宜哉

### 祠山廟

縣西二里戈塘原亦名廣惠祠宋訥紀略云按紀龍陽人張渤發迹於吳興宅靈於廣德西漢以來蓋已有之或謂即張湯之子安世（按安世曾孫名勃見本傳）而顏真卿所記則在於新室建武之間以時考之不無抵牾至於錫封加號則始於唐之大寶繼於宋之咸淳云按曹學佺名勝志載碑記云公現神通化大豕開橫山令夫人致饁於洞口擊鼓為號一日烏銜石誤叩鼓公出不見餉遂作力不復顧夫人後至擊鼓不應攜饁入洞但見大豕驚而出公之施功亦於是止其初廟肇於廣德今則漸被西四里又有行宮各鄉鎮處處祀之

### 三官廟

清咸豐兵燹燬光緒元年重建並塑神像造戲樓

### 寧國縣志

#### 卷一 輿地志下 壇廟

### 八蜡廟

縣學左鄭君郊特牲注八蜡先嗇一司嗇二農三郵表畷四貓虎五坊六水庸七昆蟲八古時田功告成建亥之月則合饗也今廢

### 龍王廟

有二 一在縣城東門內民國十七年廢廟基易為民業 一在吳嶺鎮清咸豐庚申遭兵燹光緒七年復建

### 金龍太子廟

吳嶺鎮清咸豐遭兵燹燬光緒二十四年重建

### 劉猛將軍廟

縣學前按俗傳劉猛將軍名錡為宋中興四將之一蘇州舊府志云錡從弟銳為錡統制官退老平江旱蝗為災禳除有效歿為神清一統志又云劉成忠元末指揮殉節投河民祀之清雍正二年勅建於順天府治州縣多有祠民易錄以為劉宰其說紛紜不起以直祕閣主管仙都觀致仕隱居三十年按宰正恬退屢徵不起應號為莽將傳之者妄也明祀典已載劉猛將賢者出身文資不應號為莽將傳之者妄也明祀典已載劉猛將軍清一統志謂雍正時始建祠疑劉成忠別是一人非州縣所立之劉猛將軍也又考清一統志階州名宦有劉銳知文州禦蒙古握節死在理宗嘉熙元年如非同姓名宦不得為錡從弟矣銳宋史忠義傳有其人彼志作劉銳似非創說若劉錡身為大帥位三公順昌之捷為蓋世功名歿而神靈如薛岳之祠可矣不當有天

曹猛將之濁  
號也今廢

### 晏公廟

縣西門外今廢通志元時嘗陰翊海運封平浪侯清施閩章  
文集晏公江西臨江人生於元代諱戍仔與仰山二蕭君俱

為水神靈跡  
著於江湖間

### 火神廟

縣南門月城內按朱彝尊曰下舊聞云神姓王名善宋徽宗  
時事林靈素為弟子以火煉得道今俗所稱王靈官是也民

國十七年黨教兩部毀  
偶像廟入公產戲樓圯

### 義烈方公廟

縣西三十里宋義土方致堯元  
末兵燬洪武間嗣孫方繼修

### 章四相公廟

縣東八十五里神諱紹南唐時銀青光祿大夫檢校國  
子祭酒（按宋職官志檢校官十九等自三師三公左

右僕射六尚書遞至國子祭酒水部員外郎一兼監察御史（按  
職官志憲官四御史大夫待御史殿中侍御史監察御史宗室副  
率已上初授軍頭等經恩加兼監察御史餘恩以次遷入）上  
柱國右軍討擊副使充宣城縣子崑靜邊都知兵馬使兼宣歙鎮  
將宋開寶中下金陵詔籍所部兵民入朝宋太祖因故官而授之  
俾撫其家未幾卒鄉人感其功德祠事甚謹溪南章氏並神之後

### 寧國縣志

### 卷一 輿地志下 壇廟

### 石王廟

縣北三十里宋治平中後廢  
明洪武乙丑里人王原重修

### 湯王廟

縣東百二十五里湯公  
山下宋奚士遜土達建

### 昭烈武成王廟

縣東北姑山下祀周太公望宋阮助教重  
建元末廟廢明隆慶中里人仙志睿重建

### 徐偃王廟

縣北二十里歲旱禱雨  
多應邑令魏公刊石存

### 北廟

縣北四里祀土神識傳水打北廟圍寧國出狀元  
南渡後水繞廟至吳丞相潛登嘉定狀元及第

### 聖容廟

縣南九十里宣旌皆有行祠此其始立之廟舊記嶽山楊氏  
三姑少奉佛不茹葷父母責之嫁遂遁迹不復見鄉人驚異

刻木為像祀之號聖菩薩自南唐保大末顯應歷宋元至今去廟  
半里許有龍池歲旱禱之宋皇祐中郡守廖公禱雨有應獻道服  
三襲仍設像於郡城內景德寺今十四  
都有此廟鄉人稱為白佛神崇祀不替

### 靈應五顯廟

縣西門外明正德已卯知縣王時正廢其廟為書院嘉  
靖已酉鄉紳袁澤復建廟於晏公廟遺址并安晏公神

於內崇禎間鄉紳汪侍御  
改建於舊址之右今廢

周王廟 奧川村清同治七年建塑像

社令廟 奧川村清同治七年建塑像

峴山廟 縣北十五里汪溪村民國二十三年土人修礮毀之

曹娥廟 縣東北二十里仙人山之側祀孝女曹娥

陽灘廟 縣北二十里地名合溪明成化間里人包善建

沈大聖祠 縣西三十里文脊山下俗傳沈乃唐國師歸山坐石而化元也一余丞相端禮來尉於此會歲旱承縣檄詣祠禱雨方齋宿

夢神語之曰公後必貴當為公一雨既寤晨謁祠曰夜夢果不謬

當新神祠須臾雲集大雨竟盡夜乃止後公帥金陵又夢神來謁

因省舊事乃捐緡錢二百萬付僧以新其祠後傾圮明洪武中併入奉聖禪院永樂中僧普榮重建南三十里有

龍池高五百尺三峯屹立龍池歲餘亦祀有庵

孚惠王程忠壯公祠 縣東三十里梅林祀陳鎮西將軍開府儀同三司程靈洗本諡忠壯元泰定四年進封忠烈王

寧國縣志 卷一 輿地志下 壇廟祠 五

清咸豐七年加號孚惠云

三賢祠 縣東百二十里晉里祀宋祕閣修撰吳柔勝暨二子參政淵左丞相潛

東嶽行祠 縣西北三里白雲山之上海乾寧中建真武廟附其側明正統戊辰辰道土柳玉山建拜亭景泰甲辰道士趙景常又

建屋三間奉神像於內今廢

祠山祠 二十都

節義孤魂祠 縣南二十一都清光緒六年邑貢生楊光裕造

五義祠 縣西穆家村民國十九年該村民宅有羣盜入劫附近鄰衆

倖免於難縣長沈氣含親蒞撫卹當率隊追盜至宣城縣境清除盜穴遂將該村五猖廟改為五義祠祀死難五人以為地方急公

好義者勸

水公祠 東關外

陳公祠 東關內

丘公祠 西關外



李公祠

胡公祠

祁公祠

姜趙二公祠

學右

曾公祠

前巷

王苟二公祠

後巷

楊公祠

尹公祠

馬公祠

西津書院前

李公祠

劉公祠

謝公祠

李公祠

關帝廟旁

謝公祠

關帝廟旁

祁公祠

祁陽廟

陳公祠

(均載清康熙舊志)

按以上各公祠類為歷代名宦鄉賢之祀歲久傾廢址已無存姑存其名藉資觀感

文昌宮

建縣治東即東察院舊址清嘉慶十六年知縣蘇景眉率邑紳建兩重後中楹被焚補修之民國十一年改設電報局二十三年電報局遷今為第一區署

萬壽宮

離城五里河瀝溪

寧國縣志

卷一 輿地志下 壇廟 祠宮閣院

六

天后宮

河瀝溪天主堂側

龍王宮

縣東百里仙村後朗山之巔清道光二年仙姓重建

忠顯行宮

縣東一百二十七里宋淳熙中建明宏治己酉邑人潘世南重建

文昌閣

有二一在濬川下首胡仕通裔建清乾隆三十八年燬通裔清等又重建並添設魁星樓一在縣東七十里潛溪凌

太乙偕族人建

奉聖禪院

縣西三里舊名白雲山唐大中時觀察使裴休請黃蘗禪師講經於此乾寧中賜額永清宋治平中改奉聖熙寧中改禪院自宣和迄明宣德崇禎屢經廢興清康熙辛卯知縣陳養元重修右有留雲樓嘉靖時額曰洞觀萬曆時改曰白雲郡守蕭

良譽有詩

朝慶道院

縣東九十里明正德癸酉道會司汪希真募建

清涼禪院

縣東七十嶺里奧嶺

華光樓

三十二都楊家園重

五顯樓

縣西五十里東岸洪姓土主逢閏賽會御史洪秉有三秋崇祀典之句

文星樓

有二十一年在縣東百二十里層巒聳翠飛閣流丹清乾隆三十八年盤山楊鼎焯倡建一在縣東百里行可亭右高五

丈餘清乾隆癸卯仙  
璋基德彥等倡建

燕居樓

即城隍廟後樓知縣馬光建胥吏公助輸貲立為會所後蝨蠹侵蝕欲傾知縣陳養元捐募重建今廢

步岸山房

縣東百十里有贈封仙時忠墓又仙尚琳仙尚璩墓

觀音堂

縣西五十里東岸周家宅左明正統丁巳僧性榮募里人洪永潮重建佛殿大聖殿山門過堂一里名三伯坑參憲黃一

騰母洪氏墓

輿地志 下

寺觀 菴殿附

教忠寺 縣西北三里舊在廣福山宋寶祐間賜饒虎臣為功德院故名後燬明洪武甲寅僧文理建辛未立為叢林景泰壬申僧

智海重修成化宏治正德間皆修葺為僧會司所居後廢清康熙間知縣陳養元捐廉倡修

靈巖寺 縣西北三十里文脊山東麓唐貞元中建宋治平中賜額寺前有山門六洞（即山門洞）後寺廢明正統間重建佛殿

天王殿隆慶中增建清康熙間知縣陳養元於鑿鐵菴遺址建亭

寧元寺 縣東北二里即普蔭寺為治後鎮明萬曆丙申知縣高夢旂建崇禎時燬復修僧漢目天齡先後闡教於此清知縣陳養

元倡修旁有梧井甚甘

龍安寺 縣北十五里宋治平中建後廢明洪武壬戌建再燬正統間更置樓殿

延慶寺 縣北三十里通靈峯麓又名麻屯寺宋治平初賜額後廢明洪武景泰時遞修

寧國縣志

卷一 輿地志下 壇廟 寺觀

真覺寺 縣西二十里唐會昌中建宋政和中改為禪寺明景泰癸酉重建

彌勒寺 縣西四十里宋治平中賜額明宏治中重建山頂有井號曰天井

龍福寺 縣西五十里高峯聳秀有上中下三刹山門岑岫拱護如畫宋紹興中僧惠空建住持德智復新其殿清康熙中增修

崇福寺 縣西五十里一名沿山寺唐天祐中建明正統隆慶時遞修

香蓋寺 縣西八十里唐時建韓翊詩愛遠登高塵眼開為憐蕭寺上經台宋淳熙初賜額

寶勝寺 縣西八十里宋開寶間賜額明洪武萬曆時遞修

圓靜寺 縣西八十里五龍山宋咸淳間建明正德萬曆時環溪章氏遞修前有龍潭

吉祥寺 縣西九十里宋治平中建清道光四年僧會司慧雲修

崇果寺 縣西百十里唐貞觀中建有石鏡寺前古樞一株又羅漢竹十竿每一筍生則一竿竹枯下有龍潭湧泉明洪熙乙巳

燬正統丁巳重建佛殿毗盧閣石橋景泰庚午建法堂樓各五間宏治間建山門五間崇禎間重修清康熙癸未又於山麓建點石

菴仙祖  
紳記

興教寺

縣東三十里蔣峯山山高八百餘丈上有馬跡下有龍泉舊名寧化院宋治平中賜額

崇因寺

縣東四十里梁開平初建宋治平中賜額大慧禪師重建明洪武辛未立為叢林

行香寺

縣東百里端平間賜額

洞門寺

縣東百二十里石山對峙下臨石澗一小徑險仄僅可捫一行宋端平賜額相傳會元楊邦彥自紹興隱此前建浮圖一

壁高數十丈每多奇蹟居民駭焉塔頂墨跡石壁篆文現存仙宗彝記石壁上仙克謹有詩

廣濟寺

縣南四十里唐天祐中為平山院南唐昇元中徙建聖龍山下

靜居寺

縣南四十里唐光化中建為崇信院宋治平中賜額

清塘寺

縣東十二都盤山楊姓建

惠雲寺

縣東六十里唐太和中邑人張司徒徵建一名東山寺大慧宗杲於此寺出家五燈會元所云詣東山慧雲院事慧齋者

寧國縣志

卷一 輿地志下 寺觀

是也

宣梵寺

縣東九十里舊額谷林宋天聖中僧應之始建元祐中賜今額寺居山頂

信相寺

縣南八十里唐大中時建宋祥符中賜額

建興寺

縣南五十里宋乾道中僧曇溥建寺前有宴老風月二堂已廢

寶雲寺

縣南四十里宋治平賜額僧正中重建

國清寺

縣東社學後宋紹興中建元末毀於兵明洪武中僧文悟復建後廢址存嘉靖丁亥署邑事胡子亞清其址建射圃亭於

書院  
之後

永寧寺

縣南百二十里唐時建宋末廢明景泰甲戌僧道志邑人胡思浩重建浩復出已田及寺外地膳僧遺訓子姓世葺之

悟本禪寺

縣西六十里宋治平元年賜額今廢

清隱寺

縣東百二十里寺前石門石印皆天然勝蹟明洪武初建

妙英寺 縣西百里明萬曆間俞邦賢建子俞允寧重修

龍谷寺 縣北十五里捨頭山僧竹林福錫僧會慶會元住持

青華觀 縣西二里宋紹興壬子建明洪武庚戌重建永樂宣德正統宏治萬曆崇禎時遞修清康熙辛卯知縣陳養元倡修

顯真觀 縣東百里宋紹興中阮永興建後廢明景泰間後建崇禎甲戌仙克謹築石台建三元堂並置產數十畝給之

白雲觀 西鄉雲海蓬壺之巔其雲海與黃山無異中為文昌殿左有白雲書屋為嘉里周氏別墅浙西諸山望之如翠螺千點攢

列几案

隱峯菴 縣東三十里山勢高聳有泉迸於石崖相傳宋高士隱此故名明宏治間里人胡思溥重建并捐田

清涼菴 縣東三十里沙埠清康熙戊辰僧靜森建初於石壁間得數大篆字剝蝕不可辯越數武又一石隱約似清涼二字因名

右有亭（程應燠建）

雨花菴 有二一在縣東三十里梅林南明末程廷楷建清康熙中楷孫鵬增建僧無我修持於此見傳一在縣西七十里汪

寧國縣志 卷一 輿地志下 寺觀菴

村程觀廷建洪啓權記清雍正年僧靜禪由寶勝寺徙此僧克明闡教寧元寺

祿青菴 縣東百十里徽浙孔道萬曆間仙作霖建菴下卽祿青橋建環翠亭與萬祿菴對峙

望仙菴 縣東百十里清康熙丁未石壁苔蘚剝落忽見佛像高約四尺又有望仙菴三字鑿痕仙祖德助田建菴延僧奉之

同人菴 西津橋東清康熙間知縣陳養元倡建祀龍神以備雩祭後奉岳忠武神位

巖堂菴 縣西六十里宋治平中建元末廢明正統間洪永源永潮重建舊名沈禪師菴山頂有泉頗稱清沁

高峯菴 縣西七十里西坑山之一名鐵瓦菴山高萬仞前人鑄鐵瓦覆之山下至菴十里天氣晴明望郡縣如山麓茶最清芬

夏至後採宛寧郡守張勤望清宣城知縣貴中孚俱撰有記施雲翔題八景詩嘉慶己巳僧德有重募建

彌勒菴 縣西九十里大方山一名大方菴宋治平中建明嘉靖間修後有白石巖高數仞古柏森然

黃金菴 縣西九十里辛酉時舊址明嘉靖間胡世傑重建天啓辛酉遷甘露峯下左有蝦蟆石

長壽菴 縣西東岸洪姓建明正統間洪永源永潮重建洪昌齡序刊於碑

芥子菴 東津礪南卽迴龍菴清順治初三如建後燬康熙

七龍菴 縣東三十里宋治平中建明正

泗汾菴 縣西六十里明天順中黃德良建崇禎

福慧菴 縣西五十里鎖坑口

怡雲菴 縣東三十五里楓樹嶺明隆慶中建明末燬清

孔雀菴 縣東百三十里豪塹關左十三都朱姓

琅玕溪菴 縣東樂善橋左邑人仙綸來倡首

翠雲菴 縣東百二十里一名行可亭清康熙年仙

石龍口菴 縣南四十里古懷安

仁邨嶺菴 縣南四十里明知

寧國縣志

卷一 輿地志下 寺觀菴附

梅嶺菴 胡樂鎮十里清康熙年僧元若星

柳蔭菴 古松如虬龍面香燼山

祇圓菴 長春門外里許清康熙

青嶺菴 去縣百三十里湯公山麓天目山志云北

宏善菴 縣東六十里唐塢雲屋禪師自

大梅菴 縣東八十里關口內

龍隱菴 文脊山下清

六和菴 城北清順治年

鐘山菴 縣南二里

鎮北菴 城北普

湛豐菴 縣北三十里胡曾

青蓮菴 通靈峯之麓 桃花尖下

啓鳳菴 縣北三十五里小嶺關右

樂天菴 縣東北三十里張國維同族人建

點石菴 縣西二十五里崇果寺後

岫雲菴 縣北三十里香四十都三十七里通靈峯之陰東山侯佐建

濕嶺菴 縣東北四十里冬夏水不竭故名在濕嶺村左

對靈菴 縣北三十五里分界山

青山菴 縣西八十里都

廣濟菴 縣西八十里都

松隱菴 縣西八十里二十九里章守聯浩如建

碧雲菴 縣西八十里二十九里節婦章禮瑤妻周氏建以守墓

震旦菴 縣東九十里郎明建清嘉慶十年明裔同僧慧峯重建

仁親菴 縣西三十三里都胡一建

茶窠菴 有二十七都此菴有古山茶一株相傳南宋時植 縣北四十都李伯九建 一在縣西九

高峯菴 縣北四十都李伯九建

頓懶菴 縣東十三里都虞姓建

龍隴菴 縣東十三里都朱姓建一名龍川菴

雲霧菴 縣東九十里九都萬仁信二公建

普惠菴 縣東十一里都趙松雪墨跡詳名勝

觀音菴 有二 一在縣東十八都明成化間僧明佐

超凡菴 縣東十八都明崇禎間洪維升

和尚庄菴 縣東十八都

奕發菴 縣東十九都

畔渠菴 縣西三十二都一圖明成化間

吉祥菴 縣東十二都

盤山菴 縣東十二都宋

步雲菴 縣東十三都

宅山菴 縣南二都

大吉祥菴 縣西九十里三

寧國縣志

卷一 輿地志下 寺觀菴附

啓南菴 縣西九十里二十八都南方嶺

三姑嶺菴 縣西八十里二十九都清

永豐菴 有二 一在縣南五十里楓樹嶺中村洪瑤堂裔

紫雲菴 縣西三十里鮮帶嶺

玉泉菴 縣西八十里二十九都

汝陽菴 縣西八十里二十八都

龍門菴 縣西七十里二十八都寒毛尖一名玉林山峯高萬仞明萬

席奉 聖寺 復修 燬僧 行若 重建 并裝 塑佛 像五十餘尊 住持 志燈 兩主

贈以 詩

楊樹菴 一名永福山縣西七十里二十八都龍門菴下明



永龍菴 楊樹庵右僧塵遠復  
建三間為施茶處

尼覺菴 縣東十一都仙如  
賢建後裔重修

鎮寧菴 為城闡水口明萬曆年知縣高夢旂建前暨石坊森羅翠柏  
亦諸隍巨障也故名清康熙年知縣杜時禧重修孫海門詩

西津水繞青疇遠北  
極星浮紫烝尊即此

得水菴 忽縣東中溪塘隍裏僧松野建山素無泉  
一日泉從菴湧天然泌潔勒石紀之

靜蓬菴 縣西二十六都方慶  
甫建並捐有田地

沈禪師菴 縣西五十里東岸宋治平中建  
後廢里人洪永源永潮重建

覺公山菴 二都胡文通建有古梅六月  
開花桂一株花黃白二色

西灣菴 十三都

幽竹菴 三十都

寧國縣志

卷一 輿地志下 寺觀菴附

十四

天井菴 三十都

白雲菴 三十三都  
蟠溪嶺

嶺裏菴 一名龍角殿  
三十四都

音木菴 七都

田頭菴 七都

葉家菴 二都

長松菴 二都

師姑菴 四都

龍泉菴 三都

尋石隄菴 二十都

石硯菴 都十八

汪木菴 都十三

赤嶺菴 三都十

和尚隴菴 三都十

秀雲巖菴 三都十

前村菴 七都十

高山菴 七都十

長樂菴 五都十

觀音山菴 三都十

修道山菴 四都十

寧國縣志

卷一 輿地志下 寺觀菴附

瑞松菴 二都十

崇莊菴 五都四

茅山菴 五都四

楊菴 五都四

祭祖菴 五都四

一松菴 三都十二都

東山菴 二都十

聖龍山菴 二都十

小隴菴 都十八

小吉隴菴 都十八

玉峯菴 八十七都

海塘菴 十六都

大吉隴菴 八十七都

茶園菴 五十四都

山塘菴 五十四都

四寄嶺菴 七都

西坑菴 五十四都

潘蚊菴 五十四都

雙峯菴 五十四都

感化菴 八十七都

寧國縣志

卷一 輿地志下 寺觀菴附

十六

王石嶺菴 八十七都

前下菴 十六都

得佛菴 十六都

茅頭菴 五十四都

冒領菴 五十四都

大聖菴 五都

石山菴 二十都

黃花嶺菴 四都

永慶菴

新菴 有三都 一在十四都 一在四都

丁社隴菴 都十三

目嘉菴 都十二

楊家菴 都十二

石壁山菴 都十一

林九菴

旺源菴

隴紹山菴 都三

郭公山菴 都二

耕山菴 都二

大葛坑菴 五十四都

寧國縣志 卷一 輿地志下 寺觀菴附

徐家隴菴 都十三

大嶺山菴 都十三

楊隴菴 都十一

趙舞菴 都十一

方石頭菴 都七

寄牛菴 都四

茶頭冲菴 都三

關房菴 都四

將軍菴 七十三都

新嶺頭菴 梨三十都

蓮峯菴 十七都建梅

準提菴 三十六都

潛龍菴 一名桃源菴 三十六都烏石頭

東邊菴 縣東十五都嶺脚兵燹燬城內南門附生 吳邦彥建造其子附生吳壽康捐田二十畝

準提菴 縣東五里圮民國己未僧浩修募朱梓等倡 建卽河瀝溪祖師廟今改爲縣商會會址

水月菴 釣魚台寧 山四十都

雲山菴 縣西八十里 僧玉明修

石嘴頭菴 二十九都

華巖禪菴 崇塘山三 十四都

法海菴 縣北十里 僧靜雲修

寧國縣志 卷一 輿地志下 寺觀菴附 十八

芝蘭隴菴 二十九都

梅月菴 清乾隆四十三 年僧嚴興建

嵩雲菴 嵩山麓宣城梅銷有記教 諭程南村贈僧能耀有詩

潯隆菴 縣北三十住僧 秀水聖德里持

齋堂菴 都二

長冲菴 都三

棲賢菴 三十六都竹木 塘僧醒拙建

大嶺頭菴 三十都丁 溪嶺高險

會緣菴 二十六都清嘉慶二 年僧惠能界如建

圓通殿 縣西八十里環川水口卽觀音殿明嘉靖間章氏建仙克謹 撰記中有金身觀音萬曆陳太后施造遠僧負來請鎮是閣

賊竊匿之是夕雷電轟繞近地駭驚賊他逸  
追及之還本殿清乾隆年章誠一倡首建

### 觀音殿

縣東一里舊名圓通菴後改八蜡廟知縣范鎬毀之復改觀音殿明末尹洞庭捐貲令道士楊永洪重建又有二觀

東岸洪氏建  
一中川周氏建

### 玉觀音殿

縣南四十里唐時建  
明正統間胡氏重建

### 慈雲文武殿

縣西五十里東岸南洪氏建

### 三官殿

教場後觀音殿左明萬曆間道士饒天煜建今圈入寧陽公園為苗圃辦事處

### 周王殿

縣東十八都即九霄靈王殿祈禱極靈或云奉祀東晉周孝侯處

### 西坑殿

縣西十五里楊維山世傳祠山真君孫成烈王子封永福侯知縣林文聰題額署縣簿張溥督運赴京舟幾覆神促魚舟

以救曰某治下西坑殿神也言訖不見

### 祠山殿

一名祠山廟或古刹或新建各處奉祀不悉載在河瀝溪橋西初設第二小學分校民國二十四年教局拆去其磚瓦移

### 寧國縣志

### 卷一 輿地志下 寺觀殿附

修本鎮小學校舍  
僅存路旁碑記

### 關帝殿

縣東巫山嶺今市鎮鄉村各處有之不勝載

### 五顯殿

有三一在東岸黃庚生裔建一在高橋頭洪姓建一在縣北潯潭右唐天成間張采五同梅姓建

### 東靈殿

縣西三十都黃村

### 文山殿

即東平廟縣西八十里二十九都宋淳祐年建清康熙壬午重建乾隆辛卯復修嘉慶癸酉重建前有古松一株翠映數

焉 畝

### 三官殿

縣西二十九都海峯山一名三覺菴湯賓尹題額明萬曆年建

### 土主殿

即東靈殿縣西環川宋紹定間章文佐文瑞文躍建清嘉慶年重加修葺

### 陽山殿

一名六如菴縣西二十九都章姓建有宋進士章夏碑記清嘉慶間重募建

### 石山殿

胡氏村

忠烈殿 縣西金沙

太子殿 有三 一在縣西三十里 每歲仲秋賽會 一在縣西二十里

沛等倡修今改為縣立  
河瀝溪小學校校址

龍潭殿 三十 四都

將軍殿 三十七 都衆潯

新興殿 一都又 四都

仙神殿 四都

祖殿 十七 八都

石王殿 縣北三十里 四都 殷姓建

白佛殿 縣南龍溪 李氏建

寧國縣志

卷一 輿地志下 寺觀殿附

晏公殿 縣西五十里 左接五顯樓龕座 并有蕭君像 洪永源永潮建

烏珠殿 縣西五十里 東岸洪姓建

中山殿 縣西東岸 洪姓建

大士殿 縣西東岸 貞女施氏 建知縣梁勗有碑

大聖殿 環川駱家坑口 明洪武間 建清乾隆四十七年重建

汪公殿 濟川新興嶺 傍有聚星樓 并為清康熙時同建

輿地志下

宗祠

吳氏宗祠 縣城西門內舊祠基在城隍廟對面洪楊亂燬故址存宋正肅公吳柔勝族

劉氏宗祠 河瀝溪劉鳳山獨建

胡氏宗祠 二都荆山

俞氏宗祠 三都

饒氏宗祠 四都饒家店洪楊亂僅存後楹宋參知政事饒虎臣族

董氏宗祠 四都蘭山頭僅存一楹

胡氏宗祠 四都沙埠

傅氏宗祠 四都沙埠

寧國縣志

卷一 輿地志下 宗祠

胡氏宗祠 五都戈駐村洪楊亂燬

程氏宗祠 五都塔山

瞿氏宗祠 六十都瞿安國建

汪氏宗祠 七都汪村

方氏宗祠 七都奧川

舒氏宗祠 七都舒村

程氏宗祠 八都田家村

萬氏總祠 九都獅磻上洪楊亂燬石礎存宋武安節度使萬文勝族

萬氏宗祠 九都殷山村

萬氏宗祠 九都桑園村



楊氏宗祠 十一都脚

仙氏宗祠 十一都仙家村明左副都御史仙克謹族

奚氏宗祠 十二都宋大理寺奚士遜族

汪氏宗祠 十二都盤山

袁氏宗祠 十二都盤山

楊氏宗祠 十二都盤山

楊氏宗祠 十二都楊村民國陸軍中將淞滬警備司令楊虎族

朱氏宗祠 十三都朱家村明江西布政使朱一松族

虞氏宗祠 十三都雲梯宋兵部侍郎虞儔族

姜氏宗祠 十三都雲梯姜志仁獨建

寧國縣志 卷一 輿地志下 宗祠

潘氏宗祠 十四都潘村

胡氏宗祠 十四都南陽汪村

俞氏宗祠 十五都泉川裏俞村洪楊亂燬

俞氏宗祠 十五都泉川外俞村洪楊亂燬

朱氏宗祠 十七都朱家橋

俞氏宗祠 十七都梅村

陳氏宗祠 十七都小園

于氏宗祠 十九都巴茅塌

陳氏宗祠 十九都栗塌

楊氏宗祠 二十都虹龍甸下

胡氏宗祠 二都十

楊氏宗祠 二楊東族

許氏宗祠 二金沙

周氏宗祠 二山門周贊族

周氏宗祠 二川村

方氏宗祠 二西川村

俞氏宗祠 二胡樂司

章氏宗祠 二坦章夏族

洪氏宗祠 二都東岸

黃氏汪祠 三東布政使黃一騰族

寧國縣志

卷一 輿地志下 宗祠

二十三

汪氏宗祠 三羅田村

汪氏宗祠 三都西潯

葛氏宗祠 三都葛村

趙氏宗祠 三鎮港口

張氏宗祠 三衆潯村

侯氏宗祠 三都侯村

江氏宗祠 三鎮竹峯

汪氏宗祠 三鋪雙溪

程氏宗祠 三石頭程村

輿地志下

塚墓

義塚附昔人過墟墓而生悲倚松楸而憑弔封殖之施樵採之禁豈徒增榮逝者亦以策凡庸戒無聞也

唐

魯王梅知巖墓

縣北二十里舊葬桃源渡北岸菴頭後因水漲移葬下壁山

黃蘗禪師墓

去城東百里南極塢有碑按千頃山黃蘗禪林唐文德元年勅賜紫袍金鉢孟並勅書一道今勅存衣鉢無

又按五燈會玄師終於洪州黃蘗山不知何以葬此

宋

尚書奚季虎墓

縣東七十里彭家塢墓表誥勅現存

丞相何執中墓

縣西四十里蟠龍塢按東都事略及宋史並云執中處州龍泉人其歿也追封清泉郡王不知何以葬此

墓去治西四十里在蟠龍何氏祖山今奉聖山岳廟左宸有丞相

寧國縣志

卷一 輿地志下 塚墓

像廟前土地祠有碑子孫奉祀勿替

司徒胡用虎墓

縣北二十里胡村按司徒在宋為加官無單以司徒名者當是檢校司徒

節度萬文勝墓

縣東深渡塔

進士章彧墓

縣西環川對面塢

進士章復墓

夏三姑嶺右

翰林洪雲墓

東岸黃塘塢

都統萬文明墓

縣東百里響嶺頭

侍郎虞儔墓

縣東南五里西山

大理奚士遜墓

縣東百里花村

宣義

一作宣教

郎虞

倬墓

縣東二十里薛家橋右

學士虞光墓 縣西十里

教授奚士達墓 縣東九十里

參政饒虎臣墓 縣北三十里

都巡檢仙仲友墓 縣東百二十里

都統制使包綱墓 縣北三十里

處士吳元用墓 縣東百三十里

烏程尹洪文甫墓 縣東岸

杭州通判胡元芳墓 縣西寧三十三都

進士程得一墓 縣東九十里

明

憲副許汝驥墓 縣西百十里

侍郎屠羲英墓 縣南十里

淮南府典膳梅根墓 縣西北四十里

僉憲朱一松墓 縣東六十里

參憲黃一騰墓 縣西六十里

中丞仙克謹墓 縣東百二十里

憲副許成器墓 縣西百十里

郡守屠元極墓 縣南三十里

御史洪秉墓 縣西岸

通判洪榮墓 縣西五十里

姚榮公墓 縣北十五里龍安寺後古塔存焉按舊志姚榮公釋名道衍明永樂國師葬龍安寺後或曰葬法衣處

雙烈墓 縣南龍溪側明烈婦朱氏施氏葬此知縣為立碑曰雙烈幽芳今尚存

清

學使洪啟槐墓 縣西東岸夏方村印上施閏章有詩

安福知縣洪啟權墓 縣西五十里牛車邊

鄉貢進士陳仁忠墓 縣東六十里洛川洪家隴口通志載仁忠字子欽其墓樵采不敢犯清道光三年縣大水堆阜

皆衝沒獨此墓不墊隨水高下一坏隆然土人異之

宣城湯翰林墓 治東二里小巫山嶺明宣城湯司成祖東園封翰林葬此

楊公允龍墓 縣東一百十五里楊家村係陸軍中將楊虎之父民國十九年縣長沈氣含監修監察院長于右任題額

義塚

寧國縣志

卷一 輿地志下 塚墓 義塚附

二十六

明

虎頭山義塚 縣北杜遷鎮上一里知縣尹民興置

南山岡義塚 縣北杜遷鎮上一里知縣尹民興置

城西五里亭義塚山 知縣謝紹芳置有碑

仙氏義塚 仙中丞媳朱氏置

清

城西五里亭平嶺岡義塚山 知縣李錦置有碑

梅林義塚 計地三畝程廷楷捐裔丙然沛然學周倡建厝所三間詳府志

東岸義塚 洪敦律呂華等倡建知縣劉麒立碑

青山坎義塚 縣東四十里十九都

獅橋義塚 縣東八里

章氏義塚 縣西二十九都三姑嶺麓一在姑蘇

石龍口義塚 縣南三十里知縣蘇景眉有碑記清同治九年楊光裕稟請知縣張批准又添改地方為義冢

吳嶺鎮義塚 縣南二十一都清光緒二十四年邑貢生楊光裕職員趙國鈞吳祥雲張維有楊從禮郭華耀等請示勸捐附

田地  
有卷

巫山嶺官山 坊市

河瀝溪官山 都一

寧國墩義塚 都十八

輿地志 下

會館

北京寧國會館 小安福衛衛（清雍正舊志）鄉紳  
仙克謹許成芳建（康熙舊志）

湖北會館 東門城內民  
國二年建

安慶會館 城中街民  
國二年建

廬和會館 城西正街民  
國三年建

涇縣會館 河瀝溪鎮清光  
緒三十四年建

旌陽會館 河瀝溪鎮民  
國四年建

湖南會館 河瀝溪下首民  
國二十一年建

輿地志 下

公園

寧陽公園

縣城東門外

淞滬警備司令邑人楊虎捐建

按故址為清時綠營操場光緒三十

年知縣田毓璠改建蠶桑試驗場後廢民國十八年楊虎捐幣四千元命邑人胡猷鴻監造工程未完善二十三年縣長王式典捐廉首倡又修葺之邑人葉級三捐幣五百元益以四鄉募金始成有碑記



輿地志 下

教堂

天主堂

縣東五里河瀝  
溪鎮礮西街

耶穌堂

又名福音堂河瀝  
溪鎮小溪口街口



輿地志 下

醫院

醫學

明洪武十七設今廢

平民醫院

河瀝溪橋西浙江廣濟醫院高等畢業生楊拙盧私人建營業兼慈善

輿地志 下

善堂

養濟院

宋徽宗時詔諸州置坊收養貧病謂之安養院元曰孤老院明洪武初改今名在社壇前知縣錢矩建後廢主簿何倫復

建正屋三間旁屋各五間正德間

王廷相重建今廢只給孤貧口糧

育嬰堂

清光緒二十四年臬司趙爾巽檄飭各縣設立知縣鄭思賢諭董辦理以無地址迄未舉

